

BAHLOMPHEGI, RE RATA

Go BONA JESU

♪ (...?... Ke lekile go le leletša morago ga sekgalela se, ka maatla ka fao ke kgonnego, o be o se gae ge ke lekile go letša. Hei, ge o na le molaetša o eya pele gomme ke tla no leta. O na le nnete, bjale? Ga o na le selo go rera...?)

[Ngwanešu Neville o re, “Re thabile kudu bošegong bjo, Ngwanešu Branham o be a no mpotšiša ge eba ke bile le molaetša, ga se a nkhwetša, eupša ga a swanela go nkhwetša. Amene. Ke thakgetše, bošegong bjo, ka gore ke rile ke e semme godimo kudu gore ebile o fa. Gomme ke thantshetšwe, kudu go feta e ka ba eng ke nago le yona bakeng sa Krisemose, go tseba gore o mo. Gomme kafao a nke Morena a mo šegofatše ge a etla bošegong bjo. Ge a ka no ema fa, go tla loka. Tumišang Modimo! Eupša ke thakgetše o fa, gomme a nke Morena a mo šegofatše ge a etla.”—Mor.]

Ke a go leboga, Ngwanešu Neville. Ke a go leboga.

² Mantšiboa a mabotse, bagwera. Ke be ke re go Ngwanešu Neville, ke—ke lekile go mo leletša ka legaeng la gagwe morago ga sekgalela se. Ke rile go batho go tšwa tlase ka Georgia, le tikologong, beke ya go feta, gore ga se ke nagane ke tla ba fa lehono, gobane bontši bja batho ba a tla.

³ Gomme, efela, ka Krisemose, le a tseba, digotlane tše nnyane, o ka se kgone go ba botša phapano. Bona, feelsa, ke nako ya Krisemose bakeng sa bona. Gomme ba be ba ka se be le lesokisi le lennyane la bona le lekeleditšwe, go be go tla ba se sengwe. Ke motlwae, ebile le ka setšhabeng sa rena, gore ba lekeletša lesokisi, le se sengwe le se sengwe. Gobaneng, ke dirile, ge ke be ke sa le segotlane, gomme—gomme le ge go—go tloga kgole go Lengwalo, tsela ya go butšwa le lego. Efela, digotlane di, ba kwa digotlane tše dingwe di re, “Gabotse, ke na le se bakeng sa Krisemose. Ke na le se.” Baisa ba bannyane ba ema tikologong, ba a lebelela, le a tseba. Wena, o ka se kgone go ba dira ba kwešiše. Le a bona? Kafao, feelsa, Krisemose e mo go dula. Ya.

⁴ Gomme ga se letšatši la matswalo la Morena wa rena, nako ye A tswetšwego. Bjale, ge le ka tla go ya lena... godimo ga nkgokolofase, gomme la lebelela, Judea e no ba e ka ba bokgole ka tlase ga ikhweita bjalo ka ge ye e le ka godimo ga yona. Kafao re hwetša, ka Judea, ka go tšona dithaba godimo kua, gore go ne lehlwa. Nna! Go lehlwa go feta ka mo go lego mo. Kafao badiši ba be ba sa kgone go ba... godimo ga thaba ka nako yeo, ba dišitše dinku tša bona.

⁵ Gomme selo se sengwe, Yena, e tla ba kgahlanong le tlhago yohle. Le a bona? Dikwana le go ya pele di tswalwa ka seruthwane, e sego nako ye ya ngwaga. Dikwana ga di tswalwe bjale. Di—di dinkutshadi ga di tswale bjale. Gomme O be a le Kwana ya Modimo, le a bona. Kafao fale, O belegwe mmogo ka gare, ba a tteleima, go bapa ka Aporele nako ye nngwe, bogare bja Aporele, se sengwe boka seo.

⁶ Eupša, ye go beng la 25 Desemere, gobaneng, go e dira letšatši la matswalo. Le ke letšatši la matswalo la modimo wa letšatši. Le a bona? Baali wa Roma, modimo wa letšatši. Le a bona? Gomme letšatši le no ba tlwa tsela seripa go dikologa bjale. Gomme go tloga go la 20 go ya go la 25 e bile ge sorokisi ya Roma e be e le, go ketekeng ga letšatši la matswalo la modimo wa letšatši. Gomme kafao ba rile, “Gabotse, bjale, go kgahliša bobedi Mokriste le mohetene, re tla dira, sebakeng sa modimo wa letšatši, Morwa wa Modimo le modimo wa letšatši, mmogo. Kafao re tla e bea yohle mmogo le go e dira letšatši la matswalo la go swana, le go e dira go la 25.” Kafao go bonagetše go thabiša bohetene le kereke ya mehleng nako yeo, ka go kereke ya pele ya Roma. E be e no ba . . . E be e no ba gabotse le bona, kafao ba be ba sa tshwenyege. Kafao ba e dirile bobedi letšatši la matswalo la modimo wa letšatši le Morwa wa Modimo.

⁷ Bjale, letšatši le leteleletelele ngwageng ke go bapa e ka ba la 21 goba la 22, bošego bjo boteleletelele, ke ra, mo ngwageng, ke go bapela e ka ba la 21 goba la 22, ge, ka go tshepedišo ya letšatši, letšatši le no taboga, go tla morago. Bjale ba tla thoma go hwetša feela metsotswana e se mekae goba metsotso boteletšana. Gomme ka gona nako ye nngwe godimo ka June goba Julae, re na le letšatši le leteleletelele ngwageng.

Kafao, eupša, Krisemose e mo go dula, kafao ga—ga re kgone go e thuša.

⁸ Dithaere tša go hloka mala di mo go dula. Ke di hloile, eupša di—di mo go dula. Uh-huh. Yeo ke nnete.

⁹ Basadi ba go hlobola, ba mo go dula. Dišothi, di ya go dula. Yeo ke phetho. Di ya go ba tše kopana kudu nako yohle, kafao ga go selo nka se dirago ka yona.

Ke no re ke phošo. Dula le Lona, gomme yeo ke nnete.

¹⁰ Sebe, se mo go dula. Se mo go dula. Re ya go ba le sona, pele le pele. Kafao, feela, se mo go dula go fihla Jesu a etla. Gomme dilo tšohle tše di mo go dula. Bjale, ga ke dumele . . .

¹¹ A nke ke dire se go kwagala. Ga ke dumele gore Jesu o tla tshwenyege ke letšatši lefe o rapetšego letšatši la Gagwe la matswalo ka lona, ge e le la 25, la 26, goba ge eba ke Aporele, Mei, June, Julae, goba e ka ba neng e ka bago, feela gore le rapele, le Mo rapela ka letšatši e ka ba lefe.

¹² Eupša sese se e lego. Ba tšere bokgethwa go tšwa go Krisemose, go e dira e sego Krisemose eupša, letšatši la go rapela, eupša moketeko. Le a bona? Ga re . . . Le kwa batho ba re, “Re ya go keteka Krisemose.” Yeo ke phošo. Ga ra swanela go tsoge ra keteka Krisemose. Krisemose ke letšatši la go rapela, e sego mokete.

¹³ Re keteka letšatši la matswalo a Lincoln. Re keteka letšatši la matswalo a Washington. Ge o be o le tlase ka botebong Borwa, re be re tla keteka letšatši la matswalo a Lee, goba—goba Jackson. Letšatši la bona la matswalo ke mokete.

¹⁴ Eupša letšatši la matswalo a Kriste, ke a dumela, e swanetše go ba letšatši la boikgafo, go rapela, sebakeng sa bošego bjo. Go batho kerekeng, matolong a bona, ba rapela, ba leboga Modimo ka mpho ya kgontha ya Krisemose.

¹⁵ Dieta tša metomelwana, le difahlego tša go pentwa, le dijase tša mesela ya go gogoba, gomme digalase tša melalana tša wisiki di tla be di thulanywa, e tee go ye nngwe. Gomme masome a dikete atiša ka dikete tša go turwa tša wisiki, le disikara, le disekerete di tla phatlalatšwa bošegong bjo. Ge, dikete tša ba go diila, ba bannyane, bana ba go swarwa ke tlala ba robetše ntle le go kgema go ja goba lefelo go latša hlogo ya bona.

¹⁶ Go rapela, se re se hlokago. Go keteka ke se re nago naso. Oo, seo se lokile. Seo, ga se . . . ga se sa loka, eupša re ka se kgone go se emiša. Se mo go dula. Re, re ya go ba le Krisemose thwi go ya pele go no swana.

¹⁷ Gomme lentšu *Krisemose*, Krisemose e tla go tšwa go lentšu la “mesa bakeng sa Kriste,” mesa wa Kriste, K-r-i-s-e-m-o-s-e. Le a bona? Mesa wa Kriste, ke motlwae wa Katoliki.

¹⁸ Gomme yo monnyane wa ka, yo mongwe wa barwedi ba ka, nka se sa mmitša yo monnyane gape, Becky, o be a swanetše go ngwala kanegelo letšatši le lengwe, ka thutadinonwane, ya sephiri. Gomme ke rile, “E no ngwala ka Santa Claus.” Yeo ke—yeo ke yona. Santa Claus o tšere legato la Kriste. Gomme Santa Claus, ga se nke gwa ba motho yo bjalo. Le a bona? Ke motlwae wa Katoliki ka go felela, e sego e ka ba eng go dira le Maprotestant goba e ka ba eng ka yona, le a bona, goba Krisemose, goba matswalo a Kriste, e le gatee. Eupša Santa o mo go dula.

¹⁹ Eupša letšatši le lengwe Jesu o tla tla go dula. Yoo ke Yena re mo lebeletšego.

²⁰ Bjale, ka kgontha ke tla kaoniša Ngwanešu Neville go tšea phuluphithi ye, bošegong bjo. Gobane, ke, ke boditše batho gore ke tla dula kgole lehono. Gomme ge eba ke tlide tlase le go bolela e ka ba eng, ke tla dira theipi. Gomme ke a holofela gore ba . . . A o na le segatiši sa theipi se yago, a o naso? [Ngwanešu Neville o re, “Ee.”—Mor.] Go dira theipi. Ge eba ge Moya wo Mokgethwa

nakong ya kopano o boletše e ka ba eng, go ka no ba gore ba tla, ba tla kgona go O kwa. Le a bona?

²¹ Ke na le Mangwalo a mangwe, le go ya pele, a ngwadilwe mo, sehlogo se sennyane. Gomme ga ke tsebe; ke a tshepa gore Morena o tla se šegofatša. Eupša selo sa yona ke, ka mehla, go mašego a a Lamorena, magagešo a ntle fa go e ka ba ka senyane, goba metsotso ye lesome ka morago, gomme le tla ba gabotse go tšwela ntle pele ga ya pele.

²² Kafao, eupša ke a nagana go ne sešupanako. Uh-huh. [Ngwanešu Neville o re, “Yeo ke nnete.”—Mor.] Eng? Se sengwe, tirelo ya bošegogare? [“Aowa, e sego bošegong bjo, fa.”] Ke ra... Aowa, e sego bošegong bjo, aowa. Gore, o—o naganne mohlomongwe ke bile le yona, go hlakahlakana, bjo ke bošego bja Ngwaga wo Moswa.

²³ Gabotse, re letetše nako ye kgolo, bošego bja Ngwaga wo Moswa. Yeo ke nako moo re, yo mongwe le yo mongwe, baena bohole ba tla ka gare, gomme re na le kopanelo ye kgolo, yo motee le yo mongwe, bošegong bja Ngwaga wo Moswa.

²⁴ Bjale, eupša ke be ke no le goka ka seo. Gomme ke a holofela seo ga se sa tla go theipi.

²⁵ E re, letšatši le lengwe, go dira theipi, ke thutše selo *se* e ka ba makga a mmalwa, gomme—gomme ke bile le theipi yela e nno senyega, go yela *Bokriste Kgahlanong Le Bohetene*. Ditheipi di ile tša senywa. Kafao ge ditheipi di—di bapala goba go tla ka gare, ke duma e ka ba mang a di tšeago o tla tla mojako. E no bula mojako goba se sengwe, kafao ke tla tseba gore e kgatlampana bjale. Ke tla bona ke tsela efe selo *se* se retologilego, ge se šoma. Gabotse. Go lokile. Go kaone. Ke ya go e khupetša, go fihla godimo ka go lehlakore le lengwe le. Ke be ke se ka e tlwaela.

²⁶ Gabotse, ke nyaka go tšeaa monyetla wo go leboga kereke ye le maloko a yona, bakeng sa dilo tše botse tšeoo le mphilego bakeng sa Krisemose. Lebakana la go feta, morwa wa ka o tlide ka gare gomme a mpha lepokisi le legolo le letona. Gomme ke be ke le ka go... kamora ya ka ya go ithuta, ke ithuta. Ke le butše, gomme ka hwetsa sutu ye mpsha ya diaparo go tšwa tabarenekeleng ye. Gomme dilo tše nnyane tša sebele tšeoo batho ba nthometšego, feelsa godimo fale, ye ke sego ka e bula go fihla Joe a etla ka gare bošegong bjo gomme a bula ya gagwe. Gomme ka gona, ka—ka nnete ke leboga seo. Morena a le šegofatša. Ke duma nka fa mpho ya Krisemose go yo mongwe le yo mongwe. Nka se kgone go e dira. Le tseba ka mo e lego. O no se kgone go e dira. Yeo ke phetho. Ge o—ge o efa go o tee, go bontša tlhompho boka yeo. O no se kgone go e dira. Modiredi o no se kgone go dira seo.

²⁷ Gomme ke a kwešiša gore Ngwanešu Neville, mosong wo, o ile a fiwa jase ye mpsha. Ke leboga kudu go lena bohole, bakeng sa ngwanešu.

²⁸ Go na le sephiri se sennyane go yeo, seo Billy Paul le nna re se tsebago. Le a tseba, ke nokologa kudu ka e ka ba eng, ke... go swara, go le bjalo, ka e ka ba eng. Billy o mpoditše, letšatši le lengwe. O rile, “O a tseba, papa, ke bē ke le godimo ka lebenkelengkgoparara. Gomme,” o rile, “ke kopane le mang godimo kua?” O be a na le mororomelo wo monnyane ka go segalontšu sa gagwe. “Ngwanešu Neville, gomme,” o rile, “o be a apere jase ya kagodimo, a lebega go šiiša.”

Gomme ke rile, “A ya ka e tla mo lekana?” Uh-huh.

²⁹ Gomme kafao, gomme o rile, “Aowa. Ke monna yo mogolo kudu go feta o le.”

Kafao ke rile, “Oo, ke no ya tlase le go mo hweletša e tee.”

³⁰ Kafao, gona ke tšere tšeke ya ka go tšwa kerekeng fa, boka a dira. Kafao ka nako yeo, Billy o tlie a kitimela godimo ka lentšu le legolo la khuetšo, le myemyelo godimo ga sefahlego sa gagwe, “Papa, kereke e ya go mo hweletša e tee.” Gabotse, ke a tseba kereke kgontha ka kgonagalo e ka kgona go mo hweletša ye kaone kudu gannyane go phala nna, kafao ke naganne, “Seo se no makatša, gore bohole re kgone go ba.” Eupša re a tseba gore e tla ka go lefelo le lekaone ka kgontha, ka go Ngwanešu Neville o hloka jase yela.

³¹ Le a tseba, ke nyaka go le botša se sengwe se sennyane ka seo. Ke be ke bala historing. Seo ke sohle ke se dirilego mo dibekeng di se kae tša go feta, dikgwedi goba tše pedi, e bile go tšeа histori ya Beibebe. Nkile ka bala... .

³² Puku ya ka ya mathomo e be e le Testamente ya Kgale, se Modimo a bego a le ka go Testamente ya Kgale. Ka gona ke tšere Testamente ye Mpsha, le go bona se Modimo a bego a le sona, go e bapetša lehono, gobane ke a tseba O swanetše go dula a swana. Le a bona?

³³ Gona go ne lefelo le tee la kereke leo ke le fošitšego, yeo e bego e le magareng ga nako ya go tloga ga moapostola wa mafelelo go fihla go tleng ka gare ga lebaka la leswiswi, ge kereke ya Katoliki e dula ka go rena. Ba lahlegetšwe ke mehlolo yohle, le Bokgethwa bjohle, go tšwa go kereke, se sengwe le se sengwe. Gomme ke—ke nyaka go tseba se se diregilego lebakeng la nako yeo, kafao ke sa tšo tše dingwe tša dihistori tša kgale kudukudu tšeо di lego gona, bjalo ka *Two Babylons* ya Hislop, le *Pilgrim Church* ya Broadbent, *Book Of The Martyrs* ya Foxe, *The Post-Nicene Fathers*, *The Nicene Council*, *Pre-Nicene Council*, le bohole borahistori ba bagolo bao ba ngwadilego lebakeng la dinako tšeо, bophelo bja bohole banna ba bohlokwa bale. Ge ke di bala, go bonala o ka re ke kgona go kwa *Pesaleme Ya Bophelo* ya Longfellow:

Maphelo a banna ba bagolo ohle a a re gopotša
 Re ka dira maphelo a ren a makgethe,
 Ka go aroganeng, re tlogela morago ren a
 Dikgato mo lešabašabeng la nako.

³⁴ Ge ke bone se banna bale le basadi ba ilego go se kgabola, morago kua, le go bona, go boloka Ebangedi ye ya go swana! Gomme ge ba reric Ebangedi ye ya go swana, selo sa go swana se se diregilego ka go Testamente ya Kgale, Testamente ye Mpsha, gomme morago feela tlwa go swana. Kafao seo se E fa e tee, tše pedi, dihlatsi tše tharo. Lentšu le lengwe le le lengwe le tsenngwe. Modimo wa go swana yo a šomanego le baprofeta ba kgale, o šomane le baapostola, gomme o šomane le baena ba pre-Nicene.

³⁵ Gomme šo Yena lehono, o šomana ka tsela ya go swana le batho ba Gagwe, ka maswao a go swana, matete a go swana, Ebangedi ya go swana, maatla a go swana, Modimo wa go swana, se sengwe le se sengwe. Ka tše tharo bjalo ka hlatse, go ren a, gore Ye ke Therešo. Ye ke Therešo. Modimo o e file ka go ditestamente tše tharo. Le a bona? Histori yeo ke . . .

³⁶ Beibele ke histori ya se Modimo a bego a le sona, kafao histori ya Testamente ya Kgale.

³⁷ Testamente ye Mpsha ke histori ya—ya Testamente ye Mpsha.

³⁸ Gomme *Nicene Council And Fathers*, le *Post-Nicene Council*, ke histori ya kereke nako yeo.

³⁹ Gomme bjale histori e dira feela bjalo ka ge e bile. E lego, histori ye e ka se tsoge ya ngwalwa. Aowa. Go kgaušwi kudu le go Tla bjale.

⁴⁰ Gomme Modimo o thuša motho ka matšatšing a, batho ba ba lekago go nyaka tlhompho ya batho, banna ba ba lekago go—go itira bonabeng go tsebalega, goba magareng ga batho. A ga le tsebe, gore motho, ge go senyega, tšohle tše di senyegago le yona? “Eupša nyaka go rua mahumo a Legodimo. A ka se tsoge a feta.”

⁴¹ Ditšhegofatšo tša Modimo tša go humahumi di dutše godimo ga lena bohole. Ke ba boditše, bošegong bjo, ka mehla ke setlwaedi sa ka go ya kerekeng felotsoko ka Lamorena, ge nka kgona.

⁴² Nna, lehono, mosong wo, ke nyakile go tla tlase gampe ka kgonthe, le go kwa molaetša wa Ngwanešu Neville. Eupša ka morago ga go dira tshepišo yela, gona ga se ke nyake go e roba.

⁴³ Kafao gona ke lekile go theeletša diyalemoya, le—le go ya pele, le tšohle ke kgonnego go di kwa di bile, “Ka pela ka morago ga tirelo ye, bohole re tla kopana ntle ka kamoreng ya dijo tša mosegare le go ba le kofi mmogo. Gomme re tla . . .” Kerekeng e tlide go eng? Ke lotše. Gobaneng o sa no re “lotše” go e na le kerekeng. Kerekeng ga tša swanelo go dira seo. Kerekeng ga se kopano ya kofi, goba dijо, le dilo boka tšeо.

⁴⁴ Re na le selalelo le Morena. Kereke, ke moo re boledišanago le Yena.

⁴⁵ Ke rile go mosadimogatša, “Hani, ke—ke swaswalatša kudu, ke hloya go ya tlase tabarenekeleng, goba e ka ba go tsena phuluphitthing.” Oo, ge ke eba motšofe kudu, go bonala eke, ke ba mo gobegobe. Gomme ga—ga—ga ke—ga ke nyake go ba seo, ka mokgwa woo. Eupsa fao go Selo se sengwe ka gare ga ka se a nkgapa, go ba ka mokgwa woo.

⁴⁶ Ka gona ke rile, “A ke lahlegelwa ke monagano wa ka? Gobaneng ke sa kgone go ya le lešaba ka moka? Gobaneng ke sa kgone go ya boka baena ba bangwe? Gobaneng ke sa kgone go ikhweletša mokgatlo, ka aga go o dikologa boka ba dira? Goba, gobaneng ke sa kgone go ya ntle le go tlogela go rothotha batho le dilo boka tše? Gobaneng ke sa kgone go e dira?” Ke rile nako yeo, ke a nagana, “A ke lahlegetšwe ke monagano wa ka?”

⁴⁷ Ka gona ke tla morago go Lentšu, gomme šele yona. Ke swanetše go dula le Lentšu lela.

⁴⁸ Ke rile, “Nna, ge e be e se bakeng sa Lentšu la Modimo, gomme ke tsebile go be go le Modimo, ke tla ikagela ntlo ye nnyane ya dikota felotsoko, kgole kudu morago ka British Columbia, moragorago godimo ka Canada, ka dithabeng mo ke bego nka se bone motho, gatee ka ngwaga. Gomme fao ke be ke tla kwa Segalontšu sa Modimo ka meeleng ya go keleketa, le go Mo kwa ge A gooleditše, ka go phiri ntlhoreng ya thaba. Ke be ke tla Mo kwa ge A be a hwenawena go kgabola mehlare ye megolo ye metona phaene, le go lebelela sefahlego sa Gagwe sa go ratega ka seiponeng sa letsha, ge le bonagatša dithaba tše kgolo tša go apešwa ke lehlwa. Gobaneng, ke be ke tla rapela Modimo letšatši le lengwe le le lengwe la bophelo bja ka, morago ka kua. Ke a tseba ke tla ba kgontha kudu ka Modimo, morago fale, go feta nka theeletša dilalelo tša kofi le diphathi tša tee, le mehuta yohle ye ya dilo re nago le tšona lehono, tše di bitšwago kereke; dithutotumelo, le dilo tše e sego tša nnete, le dinonwane, le se sengwe le se sengwe gape, go tšeа lefelo la Ebangedi.”

⁴⁹ Bokaone ke bale Lengwalo tsoko, a ga ka, gomme ke thome. Bjale, pele re bala, a re boleleng le Yena Yo a Le ngwadilego, ge re inamiša dihlogo tša rena.

⁵⁰ Bohle ba ba nago le kgopelo bošegong bjo, bjo e le bošego pele ga Krisemose, re ka no ba le se sengwe boka se, “O Morena, ke thabetše Kriste ka pelong ya ka, gomme ke nyaka go tla feela kgauswana gannyane bjale go feta e ka ba pele. Ga ke nyake go ya morago legopong ka bobolokelong, eupša ke nyaka go dira pelo ya ka legopo, e sego bakeng sa Kriste wa segotlane, eupša Kriste yo e lego Modimo, Imanuele.” A o ka no e dira e tsebjie ka seatla sa gago se se phagamišeditšwego go Kriste? Morena a fe kgopelo ya gago.

⁵¹ Tate wa Legodimong, bjale re kgobokane ka ntlong yeo e bitšwago ntlo ya thapelo, lefelo moo re tlago mmogo go rapela Morena Jesu ka go mediro yohle ya Gagwe ye megolo, le go ruta Lentšu la Gagwe, le go dumela gore Ÿena ke Lentšu. Re a Go leboga bakeng sa bošego bjo, le dibakabotse tša bjona tše di letšego pele ga rena, go tliša Lentšu la Modimo yo a phelago go batho ba ba phelago, gomme ka go ikgetha go bao ba phelago ka go Kriste Jesu, ba ba mpshafaditšwego, ba tswetšwe leswa, ba ba dibopiwa tše mpsha. Gomme sebakabotse se re swanetšego go se neela di—di dintlha go bao e sego dibopiwa tše mpsha ka go Kriste, gore, bošegong bjo, ba ka ba dibopiwa tše mpsha ka go Kriste. Efa go yo mongwe le yo mongwe wa batho ba tlhologelo ya pelo ya bona.

⁵² Gomme a nke bona, bošegong bjo, ge ba se ba ke pele, ba tle ka go ye kgolo ya lefasepharephare, Kereke ya katoliki; ye, *katoliki*, bjalo ka ge go le ka go “lefasepharephare,” boapostola, bakgethwa ba go tswalwa gape ba Modimo yo a phelago. E fe, Morena. A nke motho yo mongwe le yo mongwe a be leloko la Yona. Ka baka la gore, Ke Mmele, e sego moago, eupša Mmele, Mmele wa Kriste, gomme re maloko a Mmele wo. E fe, Morena.

⁵³ A nke dimpho tše kgolo go tšwa go Kriste di tšhollwe ntle godimo ga batho, bošegong bjo, bao e lego ba Mmele. E sego morwalo o tswaletšwe, e sego ka dimpho tša Krisemose ka go wona, bjalo ka ge rena diphedi tša lefase re ka kgoni go fana seng sa rena, go lebogeng lerato la rena seng. Eupša a nke e be setswalelo sela sa Moya wo Mokgethwa se etla fase ka soulong ya motho, se ba fa Bophelo bjo bo sa hwego. Ba šegofatše bohle, mmogo, Tate.

⁵⁴ Ge, bošegong bjo, bokgole bjo re tsebago, go beng go phelega le go thaba, mollo wo mobotse wa borutho go dula kgauswi le wona, tlhaka godimo ga hlogo ya rena, le go naganeng ka dikete go dikologa lefase, ba se nago lefelo go ya. Tate wa Legodimong, re gaogelege, gomme efa kgopelo ye.

⁵⁵ Re a kgopela bošegong bjo gore O tla šegofatša Lentšu ge Le eya pele bjale.

⁵⁶ Šegofatša modiša wa rena. Šegofatša bahlokomelaphahlo le matikone a kereke, le yo mongwe le yo mongwe yoo a ingwadišitšego le yona, ka go boleloko bja Mmele, a tswetšwego gape. Ka gore re e kgopela Leineng la Jesu. Amene.

⁵⁷ Bjalo ka ge ke thomile, dinakwana di se kae tša go feta, go re, ka go baleng ga bakgethwa. Mokgethwa Martin o tlide bošego bjo bongwe bja go tonya, gomme o hweditše mokgalabje wa go šokiša a robetše, a gatsela, mo kgorong. Gomme o bone batho ba feta kgauswi, ba ba bego ba kgoni go fa mokgalabje se—se seaparo sa mohuta tsoko, eupša ga se ba e dira. Gomme yena a tseba nako yeo gore e be e le mošomo wa gagwe go e dira, efela tatagwe le mmagwe bobedi bahetene. Eupša o be a le lešole,

kafao o apotše kobo ya gagwe, o tšere tšoša ya gagwe gomme a e ripa, seripa, ka bobedi, gomme a phuthela moisa wa kgale ka go yona, gomme morago a ya pele. Gomme batho ba ile ba mo sega, ba mo supetšana. Ba re, “Lešole la go lebelelega gampe! A lehlanya!”

⁵⁸ Eupša bošegong bjo bo latelago, o ile a tsošwa, ka go bodulašole moo a bego a dula, gomme o be a le ka ponong. Gomme o lebeletše, gomme o be a le ka kamoreng, gomme fale go eme Jesu le seholpha sa Barongwa ba eme go Mo dikologa. Gomme Jesu o be a na le seripa se sa kobo se phuthetšwe go Mo dikologa, kobo. Gomme O rile go Barongwa, “A le tseba mo Ke hweditšego se?”

Gomme ba rile, “Aowa, Morena wa ka.”

O rile, “Martin o Mphuthetše ka go ye.”

⁵⁹ Kafao Ngwanešu Martin o tsebile, nako yeo, yeo e be e le pitšo ya gagwe go bodiredi. Ka gore, ge a phuthetše mokgalabje yola ka go kobo yela, Jesu o be a le ka go mokgalabje yola. Kafao ge A be a le ka go mokgalabje, bjalo ka ge re ka bitša mokgopedi goba hopo, a robetše mokgotheng, Jesu o tla tla go e ka ba mang wa rena. Ka gona o tsebile, “Se le se dirilego go ba bannyane ba, ba bannyane ba Ka, le se diretše Nna.” Modimo re thuše go elelwa seo.

⁶⁰ Bjale, lena ba le nago Dibeibele tša lena gomme le nyaka go tšea fase hlogotaba, ke nyaka go bala mafelo a mabedi go tšwa go Dingwalwa tše Kgethwa bošegong bjo, le letee go tšwa go Jesaya, le le tee go tšwa go Mokgethwa Johane. Ke nyaka go bala go tšwa go Jesaya, tema ya 42; gomme go tšwa go Mokgethwa Johane, tema ya 12. Ke rata go bala Mangwalo. Jesaya 42 e thoma ka 1, temana ya 1, gomme e ya tlase go akaretša temana ya 7.

*Bonang mohlanka wa ka, yo Ke mo phagamišago;
mokgethiwa wa ka, yo soulo ya ka e mo thabelago; Ke
beile moyo wa ka godimo ga gagwe: o tla tliša kahlolo
go Bantle.*

*A ka se goelele, goba go phagamiša, goba go dira
segalontšu sa gagwe go kwewa mekgotheng.*

*Lehlaka le le tenegilego a ka se le robe, gomme kerese
ye e kunyelago a ka se e time: o tla tliša kahlolo go
therešo.*

*A ka se palelwe le ge e le go nolega moko, go fihla
a beile kahlolo ka lefaseng: gomme dihlakahlake di tla
letela molao wa gagwe.*

*O rialo...mo MORENA, yo a hlotšego magodimo,
gomme a a phurulla; yo a atlaladitšego lefase,
gomme...tše di tšwago go lona; yo a fago mohemo go
batho godimo ga lona, le moyo go bona ba ba sepelago
ka go lona:*

Nna MORENA ke go bileditše ka toko, gomme ke tla swara seatla sa gago, gomme ke tla go boloka, le go go fa bakeng sa kgwerano ya ba batho, bakeng sa seetša sa Bantle;

Go bula mahlo a difofu, go tliša ka ntle ga kgolego, go tšwa go dikgolego, le bona bao ba dutšego lesewiswing...la ntlo ya kgolego.

⁶¹ Bjale ka go tema ya 12 ya Mokgethwa Johane, gomme a re thomeng ka temana ya 17 gomme re bale...go theoga e ka ba temana ya 28.

Batho ka gona...ba be ba na le yena ge a bitša Latsaro go tšwa lebitleng la gagwe, gomme a mo tsoša go tšwa bahung, ba beile bohlatse.

Ka lebaka le batho le bona ba kopane le yena, ka gore ba kwele gore o dirile mohlolo wo.

Bafarisei kagona ba boletše magareng ga bonabeng, Le bona ka fao re sa fenyego selo? bonang, lefase le ya ka morago ga gagwe.

Gomme fao go be go le Bagerika ba ba itšego magareng ga bona ba ba tlidego godimo go rapela monyanyeng:

Ba go swana kagona ba tlide go Filipi, yo a bego a le wa Betseida ya Galelia, gomme ba mo kganyoga, ba re, Mohlomphegi, re rata go bona Jesu.

Filipi o tlide gomme o boditše Andrea: gomme gape Andrea le Filipi ba botša Jesu.

Gomme Jesu o ba arabile, a re, Iri e tlide, yeo Morwa wa motho a swanetšego go tagafatšwa.

Ruri, ruri, Ke re go lena, Ntle le ge thoro ya korong e wela ka mobung gomme ya hwa, e dula e nnoši: eupša ge ehwa, e tliša pele dikenywa tše ntši.

Yo a ratago bophelo bja gagwe o tla bo loba; gomme yo a hloilego bophelo bja gagwe ka lefaseng le o tla bo boloka go ya bophelong bjo bosafelego.

Ge motho e ka ba mang a ntlhankela, a nke a ntatele; (theetšang bjale) gomme moo Ke lego, mohlanka wa ka le yena o tla ba gona: ge motho e ka ba mang a ntlhankela, yena Tate wa ka o tla mo hlompha.

Bjale a soulo ya ka e tshwenyegile;...Ke tla reng? Tate, mphološe go tloga iring ye: eupša bakeng sa (lebaka) lebaka le Ke tlide go iri ye.

Tate, tagafatša leina la gago. Ka gona gwa tla segalontšu go tšwa legodimong, sa re, Nna bobedi ke le tagafaditše, gomme ke tla le tagafatša gape.

⁶² Bjale, ke goga go tšwa go se, sehlogo se ke se šomišitšego ka tsela ye nngwe: *Bahlomphegi, Re Rata Go Bona Jesu.*

⁶³ Dinako peleng, ke batametše thuto ye, gomme, eupša go fapana go gonnanyane go tloga go se ke nepilego go sona, bošegong bjo. Bjale, ye ke peakanyo ya go se tlwaelege ya tiragalo bakeng sa molaetša wa Krisemose. Eupša ke a nagana, lehono, lena, go seyalemoya, le kwele *Banna Ba Bararo Ba Ka Bohlabela Ke*, le *Toropo Ye Nnyane Ya Bethlehem*, le *Bošego bja Setu*, gomme le kwele badiredi ba bolela ka tswalo ya Gagwe, le go ya pele. Gomme nna, go bea Molaetša wa ka wa Krisemose bošegong bjo, morago ga ge le bile le bontši bja yona morago ga sekgalela se, le matšatši a mabedi goba a mararo a go feta, ke naganne ke tla tsea mmono wa go fapana wa yona, e sego go tloga tswalang ya Gagwe, gomme ke tla e bolela ka tsela ye nngwe. Gomme peakanyo ye ya go se tlwaelege kudukudu, eupša ke ka go dilo tša go se tlwaelege re bonago Therešo ya Lentšu la Modimo. Ke ka go selo sa go se tlwaelege.

⁶⁴ E be e le ka go peakanyo ya go se tlwaelege ya Lentšu la Modimo, gore batho ba Mo lemogile go ba Mesia, e sego peakanyo ya tlwaelo yeo Bafarisei le Basadutsei ba tlogo, ba ba botša. E be e le selo se se sego sa tlwaelega, go bona Mesia a tswalwa ka ntlongpolokelo, sebakeng sa go tla fase go tšwa go mekgoba ya Legodimo, bjalo ka ge ba naganne O be a tla tla, goba bjalo ka ge ba—ba rile O be a tla tla.

⁶⁵ E be e le selo se se sego sa tlwaelega, ge, nokeng ya Jorodane, ge “dithaba di kgarama boka dikgapa tše nnyane,” gomme motseta a romilwe pele ga Gagwe. Go na le gore yena e be moprista yo a hlamilwego gabotse yo a bego a tla tla ntle go bega go tla ga Gagwe, o be a tla bona monna ka maledu mo gohle godimo ga sefahlego sa gagwe, le moriri wa go hlaramologa, gomme seripa sa letlalo la phoofolo se tateditšwe go mo dikologa, bakeng sa jase. Gomme a sepelela ntle ka lerageng, godimo bokagodimo ga dikokoilane tša gagwe, mohlomongwe, gomme a rera molaetša wo mobjalo wa go hudua. Gomme a botša Bafarisei le Basadutsei, gomme a bitša dirutegi tsela, “Lena moloko wa dinoga.” Seo se be se se sa tlwaelega go monna go dira seo, eupša gape e be e le tsela ya go hwetša Therešo, Bophelo, tsela ye e sego ya tlwaelega. E sego go bewa, tsela ya setlwaedi, eupša tsela ya go se tlwaelega.

⁶⁶ Gomme ke tlhologelo ya pelo ya ka bošegong bjo, gore, ka go Lengwalo le la go se tlwaelege, gore re tla hwetša tlhaloso ya therešo ya Krisemose, se Krisemose e se rago go rena, tsela ye re swanetšego go e dira bjale, goba eng, ka fao re swanetšego go batamela Krisemose.

⁶⁷ Bjale re hwetša ka mo, bjalo ka ge re badile, Bagerika ba ba be ba nyaka go Mmona. Ba tlide go hwetša Jesu. Ga go pelaelo gore bona, boka wena le nna, ba kwele ka ga Yena, mediro ye megolo yeo A e dirilego, le theroye kgolo yeo A e dirilego, le dilo tša go se tlwaelege tša bophelo bja Gagwe, kafao o bile Motho wa go se tlwaelege.

⁶⁸ Gomme ke duma go ema fa feela botelele go lekanelo go bolela se, gore, bontši ka mehla, ge o hwetša Modimo ka go motho, o hwetša motho wa go se tlwaelege kudukudu a šomišwa ka tsela ya go se tlwaelege kudukudu.

⁶⁹ Kafao, Jesu o be a le mohuta wo wa Motho, gomme O gogile batho, go hwetša feela se A bego a le sona le O be a le Mang.

⁷⁰ Gomme, ka nnete, Bagerika ba e be e le bahetene, bahetene, ka gore Bagerika ba be ba rapela medimo ya maitirelo. Gomme ba be ba le ba bagolo, gabotse, ke be ke tla re, babetli le boramabelo. Gomme ba be ba na le bokgabo bjo bontši, Bagerika ba dirile, bokgabo bjo bogolo bja Bagerika, bjo bo sega bja ke bja phenkgišwa ebile le go fihla letšatši le, go mabokgabo a bona. Gomme ba be ba le ba bagolo, batho ba mabelo.

⁷¹ Gomme go beng, go tsebeng gore go be go le Modimo tsoko felotsoko. Gomme ba bile le dikete tša bona bao ba ba rapetšego. Gomme ba be ba kwele ka Modimo wa histori yo a dirilego mehlolo ye megolo magareng ga Bahebere. Gomme ka gona gape ba be ba kwele gore Modimo yo, yo a bego a fela a eba Modimo wa Bahebere modiramehlolo, o be a le godimo kua ka nageng ya bona, le bona gape. Kafao e gogile šedi ya bona, kafao ba tlide go bona Jesu.

⁷² Gomme elang hloko, ka mehla tsela ye batho ba nyakago go hwetša Jesu, ke go hwetša yo mongwe yo a tsebago mokgwa wa go ba tšeela go Yena. Moetapele, goba yo mongwe wa bahlanka ba Gagwe, ke tsela ye ba Mo hwetšago. Kafao Jesu, ge A ka tsoge a kgetha mohlanka, ka mehla O kgetha yo mongwe yo a tla tlisago batho go Yena, gobane ke morero wa Gagwe go hlankela batho.

⁷³ Bjale re hwetša gore ba tlišitšwe ka Bogeneng bja Gagwe. Bjale, Bagerika ba. Filipi, ba rerišane le Filipi, gomme Filipi o rile, "Bjale, mo go yo mongwe yo a nyakago go bona Morena wa rena. Kafao go ka se no ba gabotse go nna go ba le tlhompho go tsebiša Bagerika ba go Morena wa ka, kafao ke tla ya go tšeа Andrea go ya le nna." Gomme kafao ba ile le go hwetša Andrea. Gomme Andrea le Filipi, bobedi, ba tlide le—le go neela Bagerika ba go Jesu.

⁷⁴ Bjale, sese selo se segolo, le sehlogo seo se sega sa tlwaelega. Feela ka pela ge Bagerika ba ba šupeditšwe go Jesu, Jesu ga se a ke a šupa go Yenamong, goba Yena ga se a ke a itira Yenamong go tsebjia go bona. Gobane, o ka se tsebe Jesu ka tsela yeo. Jesu ga a tsebe ka tsela yeo.

⁷⁵ Eupsa ka pela ge, re bona mo ka Lengwalong, gore ge Bagerika ba ba tlišitše, ba tlišitšwe godimo go Jesu, gomme ba le ka Bogeneng bja Gagwe, go lebega o ka re Jesu o be a ka re, "Gabotse, ye ga se... Ke—Ke nna Mesia wa moloko wa Bajuda, yoo a akanyeditšwegopele ke baprofeta, ka tšhušumetšo, tlase go kgabola mengwagakgolo. Gomme Ke mo bjale. Gomme Ke

nna . . . tswetšwego ka Natsaretha. Ke nna wa mme wa Mojuda. Tate wa Ka ke Modimo. Gomme Ke mo bjale go itira ka Bonna go tsebja go lena Bagerika.” Bjale seo se be se tla swana kudu le phetolelo ya 1961 ya sona.

⁷⁶ Eupša, lebelelang, ka pela ge ba tlišitšwe ka Bogoneng bja Gagwe! Seo ke kgwekgwe ya selo, tliša batho ka Bogoneng bja Gagwe. Gomme ka pela ge ka Bogoneng bja Gagwe, Jesu o rile, “Ntle le ge thoro ya korong e wela ka mobung gomme ya hwa, e dula e nnoši.” A selo sa go se tlwaelege! Sebakeng sa go amogela boitsebišo bja bona, selo se A se dirilego se be se ba šupeditše go lefelo moo ba kgonnego go Mo hwetša. “Ntle le ge thoro ya korong e wela ka mobung gomme ya hwa, e dula e nnoši.”

⁷⁷ O dirile eng mo? O ba šupeditše go Therešo ye kgolo yela, mokgwa wa go Mmona. Ba be ba ka se kgone go Mmona ka tsela ya Bophelo bjo Bosafelego, a nno ema fale ka tsela ye A bego a le. O be a le Motho.

⁷⁸ Meso e se mekae ya go feta, ke bile le pono, e ka ba iri ya senyane goba ya lesome mosong.

⁷⁹ Ke be ke rapela Morena, ke ikwela pitšo e ntshepediša kgafetšakgafetša bakeng sa mašemong a šele ngwaga wo, go thoma gonabjale, lefase lohle. Ke nyaka go ya Norway, gomme ke nyaka go ya Jeremane, Afrika, le bontši bja ditšhaba, ngwaga wo, ge Morena a rata. Feel a pitšo ka pelong ya ka, go ya.

⁸⁰ Gomme ke be ke rapela Morena, gomme pono ya tla godimo ga mahlo a ka. Gomme ke be ke eme nako yeo, ka sepela go swana le go kgabaganya lebato gomme ka tsena ka ka—ka kamoreng moo go bego go le basadi ba babedi, gagolo. O tee o be a le khaontareng, gomme yo mongwe o be a le khaontareng. Ba be ba rekiša dilo tša go fapania. Gabotse, ke eme nakwana le go makala e be e le ka eng. Ka gona ke bone monna a etla ka gare, gomme a reka go tšwa go mosadi go khaontara *ye*, lebotlelo le lennyane la senkgišamonate leo le yago go yo mongwe, mosadimogatša wa gagwe, mohlomongwe.

⁸¹ Ka gona ka sepelela godimo, gomme ka re, “Ke bokae senkgišamonate sela? Ke tla rata se sengwe bakeng sa mosadimogatša wa ka, eupša ke nyaka lilac. Ke rata dililac.”

⁸² Gomme o rile, goba mosadi o rile, a ke re, mo . . . “Lebotlelo le lennyane le lela monna yola a le reketšego mosadimogatša wa gagwe, ke disente tše masomenne, eupša ga se lilac. Lebotlelo le lengwe le, la lilac, ke tolara e tee le disente tše masomesenyane seswai.”

⁸³ Gomme ke rile, “Ke tla tšea leo.” Gomme ke ile sekhwameng sa ka, go hwetša tšhelete. Gomme ka gopola gore ke mo file tšhelete ya ditolara tše pedi.

⁸⁴ Go bušetša morago, o rile, "Mohlomphegi, ga ke tsebe tšelete ye." Gomme o e neela morago go nna. Gomme e be e le pili ya Canada ya ditolara tše tlhano.

⁸⁵ Gomme ke rile, "Ntshwarele. Ke naganne e be e le tolara." Ke rile gona, "Ke nna... Ke nna moromiwa. Gomme nna, ka go maboromiwa a ka, ke hwetša tšelete go tšwa dikarolong tša go fapano tša lefase. Gomme, ka go ye, ke dirile phošo."

⁸⁶ Ka fao, o ile a mpha pili ya ditolara tše tlhano morago. Gomme ke ile ka mo fa pili ya Amerika ya tolara e tee. Gomme o mphile tšhentšhi, gomme o rile, "Moromiwa?"

Gomme ke rile, "Ee, meme."

⁸⁷ Gomme ge ke be ke sa bolela, goba ke mo lebeletše, o lebeletše godimo go mosadi wa go latela, gomme o bile mohuta wa go kgothula hlogo ya gagwe. Gomme o rile, "Morategi, a o a dumela gore Ngwanęsu Branham o a rereša, gore rena basadi lehono re tla swanela go phela boka a re boditše, ka go ripša ga moriri wa rena, le go apara ga diaparo tša rena, le dilo boka tše?" O rile, "A ga o nagane gore o phošo ka go seo?"

⁸⁸ O rile, "Ee." Gomme o rile, "Eya pele, hani. Wena, Ruthe," goba e ka ba eng leina la gagwe le bilego; o rile, "o ne tšhušumetšo. E bolele."

⁸⁹ Gabotse, ka pela, ke tsebile ke be ke le ka ponong, kafao ke tsebile gore bao e be e le bona basadi ba babedi, ka mehla. Le a bona? Bona ke, bobedi, kereke ya oneness le thrinithi. Šebale ba eme fale.

⁹⁰ Gomme o rile, "Ee." O rile, "Ga ke nagane re swanetše. Gobane, ga se nke ra ke ra bona mahlo a Gagwe. Ga se ra ke ra tsoge ra bona modirelo wa Gagwe. Re be re ka se tsebe se A bego a lebega boka sona, kafao gobaneng re swanetše go e dira?"

⁹¹ Gomme ke be ke apere sutu ya kgale ya go patrola. Gomme ke rile go mosadi, ke rile, "Nakwana feela, dikgaetšedi tša ka. Le a bona, le swanetše go phela feela go ya ka Beibele, ga go kgathale ka fao E bilego."

⁹² O rile, "Eupša ga se ra ke ra phela morago kua, gomme ga se ra ke ra Mmona."

Ke rile, "Ke Mmone." Gomme ke rile, "Selo sa yona ke..."

⁹³ Ke naganne, "Morena, bjale, ke pele ga tše pedi tše kgolo, dikereke tša ditswerere. Bjale, O swanetše go mpha bohlale."

⁹⁴ Gomme kafao gona ke ikwele nnamong ke eya go bolela. Ke nyaka le e hlahlobe. Ga se nke ka nagana ka yona, bophelong bja ka. Ka re, "Motho lehono o swanetše go swana le ka fao a bego a le ka gona nako yela, ka baka la gore ke motho yo a swanago. O dirilwe ka dikwi tše tlhano. Gomme ge a eme le go Mo lebelela, thwi ka sefahlegong, o be a tla fela a na le sekwi seo sa boselela

sa tumelo, go Mo dumela, go sa kgathalege gore O be a lebelelega bjang. O tla swanela go Mo dumela, go le bjalo.”

⁹⁵ Gomme ba uta difahlego tša bona ka dihlong, gomme ba re, “Ga se ra ke ra e bona, mohlomphegi, ka mokgwa woo,” gomme ba thoma go tloga. Ka gona ka retologa gomme ka thoma go ya mašemong a boromiwa, ao ke tsebago e be e le pi—pi—pi pitšo morago tšhemong.

⁹⁶ Bjale, le a bona, O šupeditše, bona fale ka Bogoneng bja Gagwe, Kriste o ba šupeditše go Therešo. O boletše mokgwa wa go Mmona, e be le go swanela go ya sefapanong. Fao ke mo e lego, sefapanong. “Ntle le ge thoro ya korong e ewa, e dula e nnoši.” Gomme ge nkabe A se a hwa, O be a tla—tla swanela go dula a nnoši, Yenamong, ge nkabe A se a hwa. Eupša, Yena, ka go ba thoro ya korong ye e wetšego ka mobung. “Gomme ka gona ge e wela ka mobung,” O rile, “e tla tšweletša bontši, ge e wela ka mobung gomme ya hwa.” Sa pele, e swanetše go ba thoro ye e nontšhitšwego, goba e ka se tšweletše selo. Eupša e swanetše go ba le bophelo ka go yona pele e ka wela ka mobung. Gomme O bile le Bophelo bjo Bosafelego ka go Yena, gobane O be a le Imanuele. Gomme O ile a swanela go fa Bophelo bja Gagwe Mong, gore a tšweletše Bophelo gape.

⁹⁷ Tšea, go swana le korong. O re, “Thoro e tee ya korong e ka kgona bjang?” Sese se se diregago. Thoro e tee e wela ka gare, e tšweletša dithoro tše lekgolo. Dithoro tše lekgolo di wela ka gare, di tšweletša dithoro tše sekete. Dithoro tše sekete di wela ka gare, le go tšweletša dithoro tše milione. Dithoro tše milione di wela ka gare, le go tšweletša mo—mo morwalo wa sekepe. Gomme pele, le pele, le pele, go fihla o fepa lefase ka moka.

⁹⁸ Seo ke se A bego a se ra. “Ge Ke phela Bophelo bja Ka ke nnoši, le go hwa ka tsela ye, Ke no phela Bophelo bja Ka ke nnoši, gabotse, gona, go ka se be le kenywa morago ga Ka. Eupša ge Ke wela ka mobung, ka tlase ga thato ya Modimo, gomme Ke tla tšweletša Tswalo ye mpsha. Gomme ka go Tswalo ye mpsha yela, e tla tšweletša yo mongwe ka Tswalo ye mpsha, le yo mongwe ka Tswalo ye mpsha, go fihla lefase ka moka, le tla be le rometšwe; Ebangedi e rerilwe.” “Ebangedi ye e swanetše go rerwa lefaseng lohle, bakeng sa bohlatse go Nna. Maswao a a tla latela bona bao ba dumelago.”

⁹⁹ Kafao ge rena renabeng gona, ka bodireding bja rena, le ka dikgopolong tša rena, le ka bophelong bja rena, ge re dula bjalo ka ge re le, re ka se dire botse. Re swanetše gape go hwa aletareng le rena, goba re tla phela re nnoši; re tla phela go kerekeleina tsoko goba thutotumelo tsoko; re tla phela go mokgatlo tsoko. Eupša ge re ehwa go renabeng, gona Moya wo Mokgethwa o tla phatlalala moghole, ka dipounama tša rena. Re swanetše go hwa. Bontši kudu, lehono, kafao go bjalo ka bjale. Gore ge . . . Re swanetše go lemoga gore re swanetše go hwa, gore re tšweletše

bophelo bjo boswa. Kafao O boletše bontši kudu ka go se, “Ge o nyaka go Mpona, o swanetše go hwa. Ehwa go wenamong, gomme gona o tla tšweletša bophelo bjo boswa.”

¹⁰⁰ Bjale, ge re nyaka go Mmona, ge o ka tsoge wa letela go Mmona, o ka se tsoge wa Mmona ka go tšoena kereke tsoko, puku tsoko ya melao ye o e bolokago, dithutotumelo tsoko tše o di direlago. O tla Mmona ge o ehwa. Ge o etla Khalibari gomme wa bapolwa go wenamong, gona o tla bona Jesu. Re rata go Mmona.

¹⁰¹ Sa pele, pele A bolela e ka ba eng, O ba šupeditše go lefelo go Mo hwetša. Boka Bantle bohle, goba batho bohle, le hwetša Jesu mo sefapanong, ge le bapotšwe le Yena.

¹⁰² Lehono, re leka go Mo hwetša ka go se sengwe le se sengwe. Re leka go Mo hwetša ka moagong wa kereke. Re leka go Mo hwetša ka go kerekelina. Re leka go Mo hwetša ka go bolela thutotumelo tsoko. Re leka go Mo hwetša ka go boloka matšatši a a itšego, ka go obamela ditirelo tše di itšego. Eupša ga re kgone go hwetša, go fihla re etla Khalibari. Fao re bapotšwe, go wela ka leroleng la lefase, le go hwa go renabeng, morago ra tswalwagape gape. Gona re hwetša Jesu.

¹⁰³ Oo, ba bantši ba a leka, lehono, go itshwara bonabeng le go boloka kgopolo ya gago mong. “Ke na le tsela *ya ka ya* yona. Ke dumela *se*.” Eupša o ka se kgone go hwetša Kriste go fihla o ehwa go wenamong, le go Mo amogela, Lentšu, gona o hwetša Bophelo. A re boneng.

¹⁰⁴ Go fapana bjang lehono! Go fapana bjang lehono, ka dikereke, goba barutiwa ba lehono! Ba dira eng, ge le etla go barutiwa lehono?

¹⁰⁵ Bona barutiwa, pele ga ge ba dirile e ka ba eng, ba tšeetše Bagerika ba thwi ka go Bogona bja Jesu. Gomme ge A swana maabane, lehono, le go ya go ile, O tla swanela go dira go swana lehono ge o tlišwa ka Bogoneng bja Gagwe.

¹⁰⁶ Barutiwa lehono ke phapano ye ntsi kudu, go lehono. Ba leka go go iša tharing, goba legopong, goba go Santa Claus, goba go mmutla wa bjana bakeng sa Paseka, goba se sengwe gape, sebakeng sa Kriste. Ga ba tsoge ba go tliša ka Bogoneng bja Kriste. Krisemose ga se Kriste. Aowa. Lehono, ba go tliša, lefelong le lengwe, go sehlwaseeme se sengwe, kereke ye nngwe, mokgatlo wo mongwe, melao ya thuto, eupša ga ba tsoge ba go tsenya ka Bogoneng bja Kriste.

¹⁰⁷ Wa kgonthe, morutiwa wa therešo o tla go tliša thwi ka go otlologa ka Bogoneng bja Kriste. Gomme go tloga fao, Kriste o tla go laetša se o swanetšego go se dira.

¹⁰⁸ Bjale, “Moya o tlogile go tšwa go Krisemose,” yo mongwe o boletše lehono. Ke ba kwele mo seyalemoyeng, go boletše monna a efa ngangišano, modiredi, ka ga, “Batho ba bantši kudu lehono ba re, ‘Krisemose ga se *se*. Gomme ga ra swanela go ba le Santa

Claus le dilo.” Gomme moisa yola o lekile go dira dintlha tša gagwe go kwagala, gore, “Ge o ntšhitše Santa Claus go tšwa go Krisemose, o ntšreditše moya ntle.” O ntšreditše moya wa Santa Claus ntle, yeo ke therešo. Gomme moya wa Santa Claus ga se... .

¹⁰⁹ Santa, nonwane tsoko ya Jeremane, motlwaе wa Katoliki wa Sejeremane, ga se moya wo o dirago Krisemose. Moya wo Kriste a o šupilego e be e le Moya wo Mokgethwa, wo e sego moketeko, eupša go rapela Modimo yo a phelago.

¹¹⁰ Eupša o rile, “Le ntšhetše Santa Claus ntle, ga go sa na moya ka Krisemose.” A o ka kgona go eleletša modiredi a bolela seo godimo moyeng? Eupša seo ke se a se boletšego, o rile, “Le tšha Santa Claus, gomme ga le sa na moya wa Krisemose.” Gabotse, go ka no ba, go šomiša lentšu *mesa wa Kriste*, o ka no se be le bontši bja seo.

¹¹¹ Eupša o ntšha Santa Claus go tšwa bophelong bja gago, bula pelo ya gago gomme o dumelele Kriste go tla ka gare, go hwa go dilo tše tša lefase, gore o be le Krisemose ya kgonthe. Ee.

¹¹² Go fapana kudu, se go bego go le sona, eupša go fetogile. E sego—e sego, Kriste ga se a fetoga. Barutiwa lehono ke phapano ye ntši go tšwa go barutiwa ba kgale. Lehono, barutiwa ba tliša diboledi, goba banyaki, a ke re, sebakeng sa... Barutiwa ba kgale ba tlišitše monyaki ka Bogoneng bja Modimo. Gomme lehono, barutiwa ba lehono, ba ba tliša ka bogoneng bja mokgatlo tsoko wa kereke, boingwadišo tsoko, thutotumelo tsoko, thuto tsoko, sebakeng sa go ba tliša ka Bogoneng bja Kriste.

¹¹³ Re tsea lentšu *Krisemose*. Ga se gantsi kudu o kilego wa kwa Leina la Kriste le bolelwa. Ga o Le kwe le bolelwa. Dietša le magadigadi ohle a godimo ga Santa Claus, e sego godimo ga Kriste, go fihla batho ba sa tsebe se Krisemose ka kgonthe e lego bakeng sa sona. Ba nno e dira bohetene le go e dira bohetene, go fihla yohle e eba bohetene. Ke letšatši le legolo la kgwebo la meketeko. Bjale, ge ba nyaka go dira letšatši la kgwebo bjalo ka letšatši la mme, goba letšatši la tate, goba letšatši la morwa, goba letšatši la morwedi, seo se lokile. Eupša tlošang kgwebo yela go Krisemose. Ke bone leswao e se kgale botelele, le rile, “Beang Kriste morago ka go Krisemose.”

¹¹⁴ Bjale, ba go tliša kerekeng, o ithuta thutotumelo. Ba go tliša go Krisemose, o dira eng? O bona Santa Claus. Ba go tliša kerekeng, o bona mokgatlo.

¹¹⁵ Eupša Kriste o ba tlišitše sefapanong. Gomme ge o hwetša morutiwa wa kgonthe yo a tla go šupetšago go Kriste, Kriste o tla go tliša sefapanong, moo o bapotswego le Yena. Gomme Bophelo bjo Bosafelego bja Gagwe le bophelo bja gago a kopana mmogo, gomme bophelo bja gago bo a hwa, gomme o tsea Bophelo bjo

Bosafelego bja Gagwe, gomme ka gona o morwa wa Modimo. Amene.

¹¹⁶ A phapano, go tloga go morutiwa wa kgale le morutiwa wa lehono!

¹¹⁷ Ge o ka bolela go morutiwa, “Ke tla rata go tseba Morena Jesu.”

¹¹⁸ “Gabotse, bjale lebelela, ke rena ba kereke ye e *itšego-itšego*, etla tlase gomme o tšoene yeo, re tšoene.” Le a bona? Goba, “Re be re... Ke rena ba sosaete se se *itšego-itšego*, gomme etla o tšoene *sela*.” Gomme seo ke se o se kwago.

¹¹⁹ Eupša Kriste Yenamong o šupeditše batho go lehu la Gagwe, gomme o rile, “Ntle le ge thoro ya korong e wela ka mobung, e dula e nnoši.”

¹²⁰ Oo, go fapana bjang! Ee, mohlomphegi. Go fapana bjang! Eupša bophelo bja gago le Bophelo bja Gagwe a hwetšane seng, e sego ka kerekeng, e sego ka moagong, e sego ka go thutotumelo, e sego ka go mediro ye mebotse, eupša ka sefapanong moo o bapotšwego le Yena. Ke moo o hwetšago Kriste. Ga o Mo hwetše ka go dira bokaone kudu, go phetla lettlakala le leswa. Go thoma bophelo bjo boswa, ga o hwetše Kriste. O hwetša Kriste feela ka lehung; e sego ka legopong, e sego ka go boipolelo. Go dumela go dithutotumelo tše di itšego le dinonwane, ga o hwetše Kriste fao.

¹²¹ Mohlanka wa therešo o go tseela go Yena, gomme Yena ke Lentšu. O re, “Gona, Ngwanešu Branham, ge Kriste a le lefaseng lehono, mohlanka wa kgontha o tla mo iša go Yena, Kriste.” Gabotse, Kriste o mo, ka sebopego sa Lentšu. Gomme Lentšu le tliša Bophelo, gobane Yena ke Lentšu. Kriste ke Lentšu. Ee, mohlomphegi. Yena ke Lentšu, Yenamong. Mohlanka wa therešo ka mehla o go iša go Lentšu.

¹²² Bjale, Yena ke Lentšu. Yena ke Beibele ye e dirilwego go phela. Gomme ge o ehwa go wenamong, le Kriste, boka thoro ya korong, gona Lentšu le phela ka go wena, le tšweletša dipolo tša go swana bjalo ka ge Le dirile ka go thoro yela ya go phela ya korong yeo e rothetšego ka mobung. Amene. Le batšeakarolo ka tsogong ya Gagwe. Le batšeakarolo le Yena, ka go tšohle ditšhegofatšo tša Gagwe, ka go yohle ponagalo ya Gagwe. Le batšeakarolo le Yena, ka go tšohle tše A di dirilego.

Bjale, Yena ke Lentšu ka tlhathollo ya Lona ya therešo.

¹²³ Bjale o re, “Oo, re dumela Beibele, mohlomphegi. Re dumela Beibele.”

¹²⁴ Eupša bjale, ge le dumela Beibele, Jesu o boletše se ka Beibeleng, Mokgethwa Johane 14:12, “Yo a dumelago go Nna, mediro ye Ke e dirago o tla e dira le yena.” Yeo ke tlhathollo ya therešo ya Beibele, ka gore Modimo ka Yenamong o ka go lena, o bolela morago tlhathollo ya Gagwe Mong. Letago! Yeo ke tlhathollo ya therešo, Modimo ka go wena, a hlatholla Mantšu a

Gagwe Mong. Amene. A Jesu ga se a re, “Maswao a a tla latela bona ba ba dumelago”? Modimo ka go wena, a efa tlhathollo ya Gagwe Mong. Ga wa swanela go lebelela yo mongwe gape. E re, “Lentšu le bolela *se*.” Le dumele, gomme Le tla itlhatholla ka Bolona, ka gore ke Modimo a go šomiša go hlatholla Lentšu la Gagwe Mong. Amene. Kriste ke tlhathollo ye e phelago ya Lentšu la Gagwe Mong.

¹²⁵ A re lebeleleng ba bangwe, ka fao A hlathollago Lentšu, bjale, ge A na le tlhathollo ya maleba.

¹²⁶ Bjale re ya tlase fa go Mamethodist, ba re, “Re na le tlhathollo ya maleba.” Mabaptist, ba re, “Re na le tlhathollo ya maleba.” Presbyterian, “Re na le tlhathollo ya maleba.” Church of Christ, yeo e bitšwago, “Re na le tlhathollo ya maleba.” Bohle ba bona ba na le “tlhathollo ya maleba”? Bohle ba a fapanana, yo motee go tloga go yo mongwe. Gona, go ne se sengwe sa phošo felotsoko.

¹²⁷ Bjale, tsela e nnoši re ka hwetšago, ke go hwetša tsela ye Jesu a boditšego Bajuda mokgwa wa go hlatholla Lentšu. Amene. Gomme ge Kriste a boletše bjalo, seo se e dira nnete.

¹²⁸ Mamethodist ba re, “Tsela yeo baena ba rena ba Le hlathollago, khansele.” Mabaptist ba re, “Ka tsela ye re Le hlathollago.” Mapresbyterian ba re, “Ka tsela ye re Le hlathollago.”

¹²⁹ Eupša ke tsela ye Jesu a Le hlathollotšego, yeo ke nnete. A re lebeleleng ka fao A hlatholotšego Lentšu. O rile, “Ge Ke sa dire mediro ya Lentšu la Tate wa Ka, le se Ntumeleng.” Seo se a e ruma. Ke ka fao A hlatholotšego. O rile, “Ge le sa kgone go Ntumela, dumelang mediro yeo Ke e dirilego. Gomme ge Ke sa dire mediro ya Tate wa Ka, le se e dumele, le gannyane.” Amene. Seo se a e ruma.

“Yo a dumelago go Nna, mediro ye Ke e dirago o tla e dira le yena.”

¹³⁰ Bjale, go swanetše go ba se sengwe sa maleba le se sengwe sa phošo. Goba, e ka ba, re dira eng? Re bapala ka eng? Ke rena eng, go ya go dikologa mo, go itiriša go ba Bakriste, le go dira *se, sela*, le se *sengwe*, le go tšoena dithutotumelo *tše*, le go šikinya diatla le mohuta *wo* wa Pentecost, goba *wola*, goba Methodist, goba Presbyterian, goba Baptist, goba Katoliki? Ke ka eng yohle? Re dira eng, re raloka mantlwantlwane, katse le legotlo? Re kae?

¹³¹ Gona go ne tsela e tee feela, motheo o tee feela. Go ne tsela e tee feela ya kgonthe, yeo ke tlhathollo yeo Jesu a filego Lentšu. Haleluya! Yeo ke tlhathollo yeo e lego mnete. O rile, “Ge Ke sa dire mediro yeo Modimo a rilego Ke tla e dira, gona le se Ntumeleng.” Amene. Yeo ke tlhathollo.

¹³² Tlhathollo lehono ke, Jesu o rile, “Yo a dumelago go Nna, mediro ya go swana ye Ke e dirago o tla e dira le yena.” Gomme Lengwalo gape le rile, “O a swana maabane, lehono, le go ya go

ile." Jesu o rile, "Ke ka mokgwa wa go tseba ge eba ke tšwa go Modimo goba aowa." Ke ka mokgwa wa go tla go tseba.

¹³³ Ba rile, "Bjale, ema motsotso. Re na le Abraham, go tate wa rena." O rile, "Botatawešu ba ja mana ka lešokeng."

Gomme Jesu o rile, "Bohle ba hwile."

"Re nwele meetse go tšwa leswikeng le le iteilwego."

"Gomme bohle ba hwile."

¹³⁴ O rile, "Eupša Ke nna Borotho bjola bja Bophelo bjoo bo tšwago go Modimo, go tšwa Legodimong." "Gomme ga se Nna yoo a bolelagoo, ke Tate wa Ka yoo a dulago ka go Nna. Yena ke Mohlatholli wa Lentšu lela le Lekgethwaa. Gomme O netefatša gape gore Yena ke Modimo, gobane O dira gabotse le Nna se A rilego O tla se dira." Amene. Leo ke Lengwalo.

¹³⁵ Woo ke Molaetša go fihla go batho; e sego thari, e sego legopo. Krisemose ga e bolelwae ka go Puku ka moka ya Dibeibele. Ga se nke le nako e tee Jesu a ba šupetša go tswalo ya Gagwe, eupša go lehu la Gagwe.

¹³⁶ Ga go nako e tee Jesu a kilego a re, "Tšoena kereke." Ga go nako e tee A kilego a re, "Retang thutotumelo."

¹³⁷ Eupša O rile, "Etlang go Nna." Gomme O rile, "Yo a tlago, mediro ye Ke e dirago e tla mo latela feela bjalo ka ge e le Nna."

¹³⁸ "Ka gore ge Ke sa dire mediro ya Tate, se Ntumeleng. Gobane, Lentšu le rile, ge Mesia a etla, dilo tše di tla direga. 'O tla ba moprofeta.' Ee. 'O tla ba moprofeta. O tla ba mmoni boka Moshe a bile.' Dihlotša di tla taboga boka tshepe. Difofu di tla bona. Difoa di tla kwa. Gomme dimuma di tla bolela. E tla laetša pele, ka go Yena, ka fao A tla kgonago go dira maswao a Mesia.' Bjale, ge maswao a Mesia a sa hlatsele bodiredi bja Ka," O rile, "gona le se Ntumele. Eupša, še tsela ye o lhathollago Lentšu." O rile, "Ge Ke se ne maswao a, gona le se e dumele. Eupša ge Ke tšweletša maswao, gomme le ka se kgone go Ntumela go lhatholla Lentšu, dumelang maswao, ka gore a bolela ka Lentšu." Yeo ke tlhathollo ya kgonthe ya Lona. Yeo ke yona. Woo ke Molaetša.

¹³⁹ Ga wa swanela go tšea lentšu la yo mongwe. Ga wa swanela go tšoena kereke ye e itšego. O ka se kgone go tšoena Kereke. O ka kgona go tšoena mekgatlo ye. Eupša Kereke ya Modimo, o tswalelwaa ka go Yona, go tšwa Khalibari.

¹⁴⁰ E re, "Šegofatša Modimo! Ke nna, le nna, Ngwanešu Branham." Ka gona mediro ye Jesu a e dirilego, o tla e dira le wena. Ke se Jesu a se boletšego. Le a bona? "Mediro ye Ke e dirago . . ." Eng? O rile, "Mediro ye Ke e dirago, e paka ka Nna." Haleluya! "Mediro ye Ke e dirago, e fa bohlatse." A ga le bone? Ka mantšu a mangwe, "Maswao a Mesia, a ga le kgone go bona se Mesia a bego a swanetše go se dira? Gomme ga le dumele Ke na le tlhathollo ya maleba ya Lentšu, gona gobaneng Tate wa Ka a e thekga? Le nagana Ke thata kudu go mekgatlo ya lena,"

O rile, “ge le nagana ke legwaragwara kudu—kudu. Gomme le re Ke ‘monna wa segafa,’ Ke ‘na le diabolo,’ Ke lahlegetšwe ke monagano wa Ka.”

¹⁴¹ Ba boditše Jesu O be a gafa. *Go gafa* go ra “go tshereana.” “O tshereane. Wena ga se wena wa dihlopha tša ren. Gomme O ntle mo bjalo ka monna wa segafa. O lahlegetšwe ke monagano wa Gago.”

¹⁴² Gona Jesu a ka be a rile go bona, se, “Gona ge le le ba Modimo, maswao a Modimo a kae? Ge le dumetše ka go Moshe, maswao a Moshe a kae le lena? Ge le dumetše go baprofeta, leswao la baprofeta le lena le kae? Ka fao ge le sa kgone go dumela gore Ke na le tlathollo ya maleba, dumelang maswao, ka gore A paka gore Ke a rereša.” Haleluya! “Ke wona a pakago ka Nna. A fa bohlatse ge eba Ke a rereša goba aowa. Bohle Tate a Mphilego ba tla Le latela le go tla go Lona. Gomme ga go motho a ka kgonago go tla ntle le ge Tate a mmiditše.” Nnete.

¹⁴³ Efela, “O be a dirile mediro ye mentši kudu,” Beibele e rile, “efela ga se ba kgona go Mo dumela, gobane Jesaya o rile, ‘Ba ne ditsebe gomme ga ba kgone go kwa; mahlo gomme ga ba kgone go bona.’” Ba foufetše bjalo ka mankgagane. Efela, ga ba kgone go e bona, gobane moprofeta o rile ba be ba ka se kgone. Bjale, selo sa go swana ke lehono boka go bile nako yela. Ya.

¹⁴⁴ O rile, “Ge le sa kgone . . . Ga Ke dire mediro. Ga se Nna yoo a dirago, a bolelago Mantšu. Ga se Nna yoo a dirago mediro, ka tsela ye nngwe. Ke Tate wa Ka. Gomme ge le tseba se Modimo a bego a le sona, Modimo o be a le Mohlodi. Modimo e be e le Yena yo a bego a le godimo ga Moshe, gomme Modimo ka go Moshe o boleletsépele letšatši la Ka. Modimo o be a le ka go Testamente ye Kgale,” O boletše. Bontši kudu go ka re, “Yena yoo a bego a le godimo go baprofeta, o le boditše gore, ‘Moprofeta yola yo Mogolo o tla tla letšatši le lengwe, gomme go Yena bana ba tla kgobelwa.’ Ge le sa kgone go dumela se Ke hlathollago Lentšu go lena, gona dumelang leswao, ka gore a bolela ka Nna.”

¹⁴⁵ Oo, ga se ba kgone go dumela. Bona, ga se ba kgona go Le bona. O be a le Modimo nameng. Gobane, O be a le eng? O be a le Lentšu le dirilwe go bonagala. O be a le se Modimo a se tshepišitše.

¹⁴⁶ Theetšang, Tabarenekele ya Branham. Ikonopeleleng lenabeng, ka bosegong bjo bja pele ga Krisemose. Le a bona?

¹⁴⁷ Ge A be a se, gona Modimo o be a ka se Mo hlatsela. Nnete. Ka mantšu a mangwe, O kgonne go re, “Ke sefe se tee sa dihlopha tša lena (Bafarisei, Basadutsei, goba e ka ba eng ba ka bago), ke ofe wa banna ba lena, ke ofe wa moprista yo mogolo wa lena, ke ofe wa dirutegi tša lena, yo Modimo a šomišago go bolela Lentšu la Gagwe ka yena le go Le bonagatša, go re Le nepile?”

¹⁴⁸ Gabotse, ba ka be ba rile, “Banna ba rena ba rutegile. Re ditswerere. Re tseba Beibele yela go tloga molokong go ya molokong.”

¹⁴⁹ “Gabotse, gona, gobaneng Modimo a sa E dire e phele gape ka go bona banna, ge E le Lentšu la Modimo?”

¹⁵⁰ Lebelelang. “Nna le Tate wa Ka re Batee,” e sego ba bararo. “Re Batee.” Modimo o ka go Yena. Modimo o bolela ka Yena. Yena ga a sa le wa Gagwe mong, eupša Yena ke Segalontšu sa Modimo ka dipounama tša motho. Haleluya!

¹⁵¹ Gomme modumedi yo mongwe le yo mongwe ka go Yena, bosegong bjo, o swerwe ka mokgwa wa go swana, o swerwe kudu, o ineetše ka go felela kudu, go fihla mantšu a gagwe a eba boka Mantšu a Kriste. O a bolela gomme Lentšu le dirilwe nama. O a bolela gomme Lentšu le a bonagatšwa. “Mediro ye Ke e dirago le tla e dira le lena. Maswao a a tla latela bona ba ba dumelago.”

¹⁵² Jesaya o rile, ka go tema ya 42, re sa tšo bala, “Seetša se Segolo se tlile.” Seetša! Oo, ga ke nyake go tlogela hlogotaba. Eupša Seetša se segologolo seo se kilego sa kganya se be se phadima ka go yela ya go kokobela, Nazarene ye nnyane: Monna wa go se be le botse bjo re ka Mo kganyogago; Monna wa go se be le thuto, go bolela ka mokgwa wa lefase; Monna yo a bego a sa tsebe ditirelo le dilo tša lefase le. Eupša a kgona go tlema matimone, go tsoša bahu, gomme bodiabolo ba be ba roromela.

¹⁵³ Gomme Modimo o Mo lemogile go tšwa Legodimong, gomme o boletše morago, “Yo ke Morwa moratwa wa Ka.” E sego pele ga dinkamola, eupša pele ga sehlopha se se hlaotšwego seo A se biditšego. Seetša se Segolo!

¹⁵⁴ Gobaneng? Seetša se segolo kudu se be se phadima go tšwa go Lentšu la Gagwe. Lentšu e be e le eng? Kriste. O be a le eng? Lentšu le tlišitše Bophelong. Gomme Lentšu le tlišitše Bophelong, le file Seetša se segolo kudu go feta A dirile ge A rile, “A go be le seetša,” ka go Genesi 1. Seo e be e le seetša sa tlholo, tlholo ya go hwa, ye e swanetšego go wa. Eupša Lentšu la Gagwe e be e le Bophelo bjo Bosafelego le Seetša sa Gosafelego. Gomme ge motho a dumetše Seo, o bile le Seetša sa Gosafelego.

¹⁵⁵ “Seetša go bao ba bego ba dutše ka dikgaong tša meriti ya lehu,” Mateo 4. “Tliša Seetša go Bantle,” ba ba bego ba swerwe le go ahlolwa ke Modimo, ka go medingwana ya bona. Eupša O tlile bjalo ka Seetša.

¹⁵⁶ O boletše eng? “Lentšu la Gago ke Seetša tseleng ya ka, Seetša go bonega tsela ya ka go maoto a ka—a ka, go ntlhahla.”

¹⁵⁷ Gomme lehono, Seetša sa Modimo ke Lentšu la Modimo le dirilwe go bonagatšwa, Seetša se dirilwe go bonagala. Seetša ke mediro ya Modimo, e boletšwego ke Lentšu la Modimo, e tlišwa Bophelong, gomme ke Seetša se segolo kudu go feta se bego se le

ka mahube a tlholo. Amene. Seetša go lebone, go tsela. Nna! O Modimo! Seetša, Lentšu!

¹⁵⁸ Ka leswiswing bjalo ka ge re le lehono, re tladitšwe ka dithutotumelo le dikerekemaina, re tladitšwe ka maikutlo le bohlanya, dipelo tše di butšwego go mabitla a mohuta e ka ba ofe wa moyo, woo ebile o tla ganago Lentšu le go beng Therešo, le go re, “Matšatši a mehlolo a fetile. Ga go na selo se bjalo bjalo ka kolobetšo ya Moya wo Mokgethwa, go bolela ka maleme, baprofeta, le go ya pele. Ba hwile, mengwaga ya go feta.”

¹⁵⁹ Gona go bona Modimo, ka makgatheng a leswiswi, leswiswi la thutotumelo, leswiswi la dikerekemaina, a tsea Lentšu la Gagwe le sehlopha sa batho bao ba tla Le dumelago, le go phadimiša pele Seetša sa Gagwe le Bophelo bja Gagwe. Ke Seetša se sentši. Ke Seetša sa Gosafelego, go feta se se bego se le ka mahube a tlholo. “A go be seetša; gomme gwa ba seetša.” Nnete.

¹⁶⁰ Bjale, Jesu ga se a ke a re, bjale, O ya go ba tliša Bethlehem. Jesu ga se a ke a bolela go Bagerika, ge ba etla godimo, “Bjale, feela nakwana. Ge le nyaka go Le bona, Ke tla le iša morago Bethlehem moo Ke tswaletšwego. Gomme Ke tla le botša ka fao e diregilego morago kua.” E be e se seo.

¹⁶¹ O ba šupeditše go lefelo la ka moso, ge ba be ba nyaka go Mo tseba. “Ge le nyaka go Ntseba,” ka mantšu a mangwe, “Nka se le tseele morago le go le botša ge Ke be ke tswalwa ka Bethlehem, le tšohle ka ga seo. Ke tla le šupetsa go lefelo moo Ke yago go bapolwa. Gomme ka kua, ge le ka bapolwa le Nna, gomme la tsea sefapano sa lena gomme la Ntatela, le tla tseba gore Ke nna Mang. Go sego bjalo, go tšwa go seo, le ka se tsoge la ithuta yona ka bokgaboo bja lena bja bogologolo. Le ka se tsoge.”

¹⁶² “Gabotse,” o re, “Ngwanešu Branham, eupša re ithuta Yona ka bokgaboo bja Beibele.” Aowa. Ga re dire. Ge re ithuta yona ka bokgaboo bja Beibele, gona gobaneng Bafarisei ba se ba ba le Yona? Ga e ithutwe ka bokgaboo bja Beibele, ka gore go na le bataki ba bantši kudu ba lekago go e penta. Eupša Beibele e a rereša, eupša Modimo ke Motaki.

¹⁶³ Dithutotumelo lehono di re, “Tšoena ye. Bolela sereto se. Bušeletša Thutotumelo ya Baapostola. Tšoena kereke ya rena. Šišinya diatla. Kolobetšwa, leina la ‘Tate, Morwa, Moya wo Mokgethwa.’” Tšeо ke dithutotumelo tša kerekeleina. Nnete. Motaki ga se a penta seswantšho ka tsela yeo.

¹⁶⁴ Motaki o se pentile, gore, “Jesu Kriste wa go swana maabane, lehono, le go ya go ile. Yo a kwago Mantšu a Ka gomme a dumela go Yena yoo a Nthomilego o ne Bophelo bjo Bosafelego. Mediro yeo Ke e dirago o tla e dira le yena. Maswao a a tla latela bona ba ba dumelago.” Yeo ke tsela ye Mopenti a se pentilego. Kafao ge Modimo a bonagatša seo, o a tseba o rathile seswantšho sa maleba. Ka ntle ga fao, o na le khophi ya bofora. Amene. Tsea

khophi yela ya kgale ya bofora, ya mohuta tsoko wa thutotumelo, gomme o lahlele selo ka ntle ga mojako, bošegong bjo. Gomme tšeа Seetša sa Ebangedi ya Beibele, gomme dira Mopenti a pente Kriste ka go wena. Amene. Yeo ke tsela. Yeo ke yona.

¹⁶⁵ Aowa, ga se nke A ba iša legopong. Ga se nke A ba iša go Krisemose.

¹⁶⁶ Jesaya o rile, “Leina la Gagwe le tla bitšwa . . .” Ka go tema ya go swana, o rile, “Leina la Gagwe le tla ba . . .” Aowa, tema ya 55 ya Jesaya. O rile, “Leina la Gagwe le tla bitšwa Matete, Moeletši, Mokgoma wa Khutšo, Modimo yo maatla, Tate wa gosafelego.” Amene.

¹⁶⁷ Ke duma ge nkabe ke na le nako. Ke be ke swanetše go. Ke tla rata go tšeа sehlogo go ye nngwe le ye nngwe ya tšona: “Moeletši, Mokgoma wa Khutšo, Modimo yo maatla, Tate wa gosafelego, le Matete.”

¹⁶⁸ A re nong go ratha kgopolو Matete, motsotso, Matete. Oo, Jesaya o rile O be a le Matete. A re naganeng ka dilo tše dingwe tšeо A di boletšego, tšeо di Mo dirilego Matete. Ke eng e Mo dirilego Matete? Ge A boletše se, “Nna le Tate wa Ka re Batee,” Matete.

¹⁶⁹ Mpotseng ke Mofarisei ofe a bego a ka kgonा go bolela seo. Mpotseng ke moprista mogolo ofe a bego a ka kgonা go bolela seo, gomme Modimo a se thekga. Le a bona?

¹⁷⁰ O rile, “Ge Ke sa dire mediro bjale, le se dumele e ka ba eng ke e bolelago. Eupša ge Ke rera ye, gona go bontšha gore Modimo o Nthomile go e dira.”

¹⁷¹ O rile bjale, gomme O rile, “Nna le Tate wa Ka re Batee.” E sego, “Nna le Tate wa Ka re ba bararo.” Jesu o boletše. Bjale, thutotumelo e re, “Nna le Tate wa Ka re ba bararo.” Eupša Beibele e rile, gomme Jesu o rile, “Nna le Tate wa Ka re Batee.” Yoo ke Matete. Le bona ka fao Modimo, “a dirilwego nama”? Haleluya! E sego wa bobedi tsoko, goba wa boraro, goba motho wa bone; eupša Modimo Yenamong. Jesu o boletše bjalo. Phegišana le Yena, e sego nna. Ke no bolela se A se boletšego. “Nna le Tate wa Ka re Batee. Ga se Nna yoo a dirago mediro. Ke Tate wa Ka. O dula ka go Nna. Ge le sa Ntumele; dumelang Lentšu, ka gore Yena ke Lentšu. Gomme Lentšu le dirilwe nama, gomme Ke lona. Mo mathomong go be go le Lentšu.”

¹⁷² Mongwadi wa go swana wa Ebangedi, Johane, o rile, “Mathomong go be go le Lentšu, gomme Lentšu le be le le go Modimo, gomme Lentšu e be e le Modimo. Gomme Lentšu la dirwa nama gomme la dula magareng ga renā.”

¹⁷³ Seo se Mo dira le Modimo Motho wa go swana; ge Modimo e le Lentšu, gomme Yena ke Lentšu. “Nna le Tate wa Ka re Batee,” gona. Oo, seo ke Matete! Ee, mohlomphegi.

¹⁷⁴ Dilo tše dintši kudu re kago go di bolela go seo, Matete, dilo tše A di boletšego!

¹⁷⁵ Selo se sengwe A se boletšego, “Ke nna Seetša sa lefase.” Mpotšeng moprista yo a ka kgonago go bolela seo. Mpotšeng kerekeleina e ka kgonago go bolela seo. Mpotšeng thutotumelo ye e ka kgonago go bolela seo. Seo ke Matete.

¹⁷⁶ “Ke nna Therešo.” Oo, nna! Dithutotumelo tša rena di milione wa dimaele go tloga go Therešo. Thutotumelo e ka se kgone go dira Modimo go bonagala. Thutotumelo e ka se kgone.

¹⁷⁷ Go no swana le ge Eliya a boletše, ntlhoreng ya Thaba ya Karamela, “Ge Modimo e le Modimo, a nke A arabe.” Thutotumelo e ka se e dire. Aowa, mohlomphegi.

¹⁷⁸ Eupša Modimo o tla e dira. Modimo ke mang? Lentšu, Lentšu le dirilwe go bonagala. O tla e dira.

¹⁷⁹ “Ke nna Seetša sa lefase. Ke nna Therešo ye e lego ka lefaseng. Ke nna Tsela.” Ga go tsela ye nngwe eupša Yena. Yeo ke phetho. Le se ye go kgabola thutotumelo. “Etlang go Nna.” Le a bona? “Ke nna Tsela, Seetša, Therešo.” Tšohle tše, O bile tšona. Wona ke mantšu a matete ao A a boletšego. “Ke nna Tsela. Ke nna Therešo. Ke nna Seetša. Ke nna—ke nna Mathomo; Ke nna Mafelelo. Ke nna Mathomo; Ke nna Mafelelo. Ke nna Yo a bego a le gona, yo a lego gona, gomme a tla tlago. Ke nna Modu le Lehlogedi la Dafida. Ke nna Naledi ya Moso. Ke nna Alefa go ya go Omega. Ke nna Tšohle. Nna le Tate wa Ka re Batee. O dula ka go Nna. Ke nna Yena. Yena ke Nna.”

Ba rile, “Wena, o le Motho, o itira Modimo wenamong?”

¹⁸⁰ Oo, boka A boletše go Bafarisei nako ye nngwe, “Le dira phošo, ka go se tsebe Lentšu la Modimo, le ge e le maatla a Modimo. Le dira phošo, ka go se e tsebe.” Nnete. Mantšu a matete! Matete!

A re naganeng ka mediro ya go makatša, nako ye nngwe. O dirile eng?

¹⁸¹ O be a le eng? Jesaya o rile o tla ba Matete. Ge a hweditše go Mmitša maina ohle a kgonnego, “Moeletši, Mokgoma wa Khutšo, Modimo yo maatla, Tate wa gosafelego,” sohle se, o rile, “O no ba Matete.” Mantšu a matete!

¹⁸² Bjale re ya go bolela ka mediro ya matete, bakeng sa motsotso. O dirile mediro efe yeo e bego e le matete?

¹⁸³ Letšatši le lengwe go be go le molokoloko wa poloko o etšwa Naine—Naine. Mohlologadi, le morwa wa gagwe a nnoši, a hwile, a robetše godimo ga leako, sa go thatafala, setopo se omišitšwe, se eya tlase lebitleng go bolokwa. O be a sepetše tsela yohle go tloga Nasaretha. Maoto a gagwe, a le bohloko, lerole, a lapile, a kgathetše. O kwele sello sela. O lebeletše. Go theoga tsela, fale go tla mohlologadi yo monnyane, a golola. Mošemane wa gagwe,

morwa wa gagwe a nnoši, o be a robetše godimo ga leako leo, a hwile.

¹⁸⁴ O šomile ntle, kua, gore o fetile kgauswi moo Jesu a bego a le gona. Lehu le Bophelo di ka se kgone go tla mmogo, le a tseba; e tee e swanetše go tloga. O rile, "Emiša morwadi." A sepelela godimo gomme a kgwatha mošemanе. Gomme bophelo bjo—bjo bo bego bo le ka go mošemanе, bjo bo bego bo ile mohlomongwe matšatši a mabedi, bo boile morago. Ke kgona go no bona lešela la go khupetša mohu le thoma go šišinyega, ke bona batho ba thoma go lebelela. Gomme monna yo a bego a hwile, a phagamela godimo ka maoto a gagwe, a sepelela godimo gomme a bea matsogo a gagwe go dikologa mmagwe, mohlomongwe. Yeo ke mediro ya Modimo. Matete! A e be e se wona? Kgonthe e be e le.

¹⁸⁵ Ke kgona go bona Jairo, moprista yo monnyane, o bile monna yo mokaone. O dumetše Jesu, eupša o ile a swanelwa ke go e boloka ka setu, ka lebaka la badirišani ba gagwe.

¹⁸⁶ Badumedi ba bantši kudu ba sephiri lehono boka bao, ba boifa ba tla rakwa kerekeng ya bona. Le a bona? Mafšega, Modimo a ka se kgone go šomiša bao. Modimo o nyaka monna yo a ka kgonago go ema kua. Ge go tšea lehu, a e tswalela. "Le se ke la boifa yena yo a senyago mmele, eupša Yena yo a senyago mmele gomme a romela soulo heleng."

¹⁸⁷ Jairo. Ke Mmona a eya legaeng la yo—la modiredi yo. A sepelela ka gare moo yo monnyane, ngwana a nnoši, wa mengwaga ye lesomepedi ka bokgale, mosetsana yo monnyane o be a robetše a omile, a hwile, a robaditšwe ntle godimo ga sofa. Wa gagwe wo monnyane, mmele wa go hloka bophelo o be o robetše kua. Tša gagwe tše nnyane, diatla tše disehlana. Dinala tša gagwe di be di fetogile tše tšhweu. Dipounama tša gagwe di be di gogetšwe fase. Letadi le be le mmolaila, goba se sengwe. Mahlo a gagwe a mannyane a be a dutše le go tswalelega, gomme se sengwe se be se beilwe godimo ga wona, mohlomongwe. Moriri wa gagwe wo monnyane o be o kamilwe. E be e le dirosa le dilo di robetše go mo dikologa. Gomme mme le tate, ba goelela. Baagišani, ba goelela. Ngwana wa gagwe a nnoši o be a ile.

¹⁸⁸ Ke Mmona a sepelela ka kamoreng yela. Amene. Gomme O lebeletše go dikologa. O ba bone bohle. Gomme ba ile go Mo sega. O ba ntšreditše ka ntle ga kamora. Yoo ke Matete. Le a bona? Monna yo motee o kgona go tšea taolo ya lešaba ka moka. Gobaneng ba se ba bolela se sengwe? Ba be ba tšhogile go bolela se sengwe.

¹⁸⁹ Gobaneng ba sa ahlole Lentšu lehono? Ba tšhogile go e bolela. Yeo ke phetho.

¹⁹⁰ O sepeletše ka kamoreng yela, o tšere sela se sennyane, seatla sa go tonya, gomme o boletše ka leleme la go se tsebjе, ntle mošola felotsoko. Gomme moya wa ngwana yola o tla morago, gomme

o phetše gape. Mediro ya matete! Ee, e bile. E bile mediro ya matete, e netefaditše gore O be a le Matete.

¹⁹¹ Nka no bolela gape ka Latsaro, ge ba be ba šetše ba omišitše mmele wa gagwe, matšatši a mane pele, ba beile laga ka morago ga laga ya dinoko godimo ga gagwe, gomme ba tateditše lešela go dikologa le go dikologa lesogana le. Gomme o be a le fao, a robetše ka lebitleng, gomme a bola. Nko ya gagwe e be e wetše ka gare. Dipounama tša gagwe tša wela ka sefahlegong sa gagwe. Diboko tša letlalo di be di thomile go mo ja. Gomme soulo ya gagwe e be e le leeto la matšatši a mane, ntle felotsoko.

¹⁹² Ke a Mmona, a Gagwe a mannyane, magetla a go kobega. Oo, nna! Lefase le ka be le rile, “Lebelelang yola. Lebelelang Monna yola. Mo lebeleleng. Gomme le Mmiditše, Modimo. Šole Yena, o ya tlase lebitleng, o lla megokgo ya wa go hwa.” Beibele e boletše gore O llile. Megokgo e rothile go tloga lerameng la Gagwe, a sehumola, ge A eya lebitleng. O be a le Motho nako yeo.

Eupša ke Mmona a re, “Pshikološetšang leswika morago.” Amene. Amene.

¹⁹³ O fetotše lefelotiragalo. Latsaro, yo a bego a hwile lebaka la matšatši a mane, o eme ka maoto a gagwe gomme o phetše gape. Ke kgona go bona senoko se thoma go pitlega go kgabola mapai ao a bego a phuthetšwe ka wona. Eng? Bophelo bo tlie ka gare gape. Monkgo o be o sepetše. Nama ye mpsha e be e tlie pele. Moya, wo bilego matšatši a mane felotsoko gape, o boetše ka mmeleng wa gagwe, gomme monna o eme ka maoto a gagwe. Bolela ka go ba Matete, Moeletši, Mokgoma wa Khutšo, Modimo yo maatla, O be a le fao. Nnete, O be a le. Go lokile.

¹⁹⁴ Re hwetša mosadi mo sedibeng, ge A eme le go bolela le yena metsotso e se mekae, le go mmotša gore o bile le bannabagatša ba bahlano ka nako yeo. O rile, “Mohlomphegi, O swanetše go ba o le moprofeta. Re a tseba, ge Mesia a etla, leo le ya go ba leswao la Gagwe.”

¹⁹⁵ O rile, “Ke nna Yo a bolelago le wena.” Matete! A e be e se wona? Matete!

¹⁹⁶ Bošego bjo bongwe lewatle le be le rora. O be a robetše, go tšwa go go lapa, feela boka motho. O be a robetše, go tšwa go go lapa. Bodiadolo ba be ba enne ba be ba eya go Mo nweletša bošegong bjoo. Gomme ba naganne ba nno nyakile ba Mo hweditše, ge diseila di be di kgeigile, mahuduo a be a robegile, sekepe se be se kgangwa ke meetse le go tlala. Ba kitimela morago, barutiwa ba dirile, ba rile, “A ga O tshwenyege gore re a senyega?”

¹⁹⁷ Gomme O tsogile, gomme a phumola boroko go tloga mahlong a Gagwe. O rile, “Oo, lena ba tumelo ye nnyane, Ke tla ba be lena botelele gakaakang?”

¹⁹⁸ “O ya go dira eng bjale? O ya go dira eng ntle mo lewatleng le la ledimo ge se, se segolo sa Galelia, se eya thwi bofase godimo ga lephoto le lengwe le le lengwe? O ya go dira eng, ge diabolo a dutše go kgabaganya thaba yela mošola, go sebela wona maphoto tlase go kgabola ka mokgwa wola, go fošetša yola?” Go lapa, le a tseba. Le a tseba, Yena tlase fale. “Le tlaramolla meetse, dikgato tše masometharo- goba masomenne godimo. O ya go dira eng?”

¹⁹⁹ O rile, “Ke tla ba le lena botelele gakaakang?” A bea leoto la Gagwe godimo ga bomorago bja seketswana gomme a re, “Khutšo, homola.” Gomme diphefo tša homola. Ka mantšu a mangwe, O rile, “Phefo, tswalela molomo wa gago. Maphoto, eyang morago tlase moo le lego ba gona.” Ebile go be go se majababajana godimo ga meetse. O eme kua gomme a lebelela tikologong.

²⁰⁰ A sepelela morago, le sehlopha sa ba go tlabega sa baapostola ba eme kua. A robala morago fase gape, gomme a tšwelapele ka boroko bja Gagwe.

²⁰¹ Ba rile, “Ke mohuta mang wa Monna yo?” Matete. Amene. Matete.

²⁰² A ga le dumele O be a le Matete? Kgonthe, O be a le Matete. Ee, mohlomphegi. Ge Monna yola Yenamong a tlogetše Magodimo, ge tshepedišo yohle ya letšatši e be e le mphaphahlogo wa Gagwe, dinaledi tše dingwe le tše dingwe tše dibilione tše di lekeletšego lefaseng, naledi ye nngwe le ye nngwe dimilione tšela tša dimaele mošola, ge ba lebelela go kgabola galase yela, ntle mošola ka Thabeng ya Palomar, gomme ba kgonne go bona mengwaga ye milione tše lekgolo le masomepedi ya sekgala sa seetša, le tšohle dibilione le ditrilione tšela tša dinaledi di bego di le mphaphahlogo wa Gagwe, gomme O di tlogetše, go tše mphaphahlogo wa meetlwa. Ke mang a tla e dirago? Matete. Oo, nna!

²⁰³ Kobo ya Gagwe e be e le Gosafelego, O be a apešitšwe ka Bophelo bjo Bosafelego. Yena ga se a ke a ba le mathomo, Ga se A ke a thoma ka Bethlehem, le a tseba, bjalo ka ge batho ba leka go nagana gore O dirile, O be a se na le mathomo. Amene. O be a apere Bophelo bjo Bosafelego, gomme a Bo kgoromeletša ka thoko, go tše kobo ya kgale ya ditšhila ya lehu bakeng sa gago le nna. Matete. Uh-huh.

²⁰⁴ Legodimo e be e le Paleisi ya Gagwe. Legodimo lohle e be e le la Gagwe, E be e le Paleisi ya Gagwe. Ga go selo se bego se ka tsogego sa phadima le Yena. Gomme O tlide lefaseng, gomme ebile o rile, “Diphukubje di ne melete, dinonyana di ne dihlaga, eupša ebile ga Ke ne lefelo go latša hlogo ya Ka.” Yoo ke Matete. A ga le nagane bjalo?

²⁰⁵ Bagwera, bontši bja kgwekgwe ke e ngwadilego fa. Eupša mohlomongwe ga ke ne nako go e hwetša. Ka pela ke tla potlaka.

²⁰⁶ Yoo ke Jesu yo le swanetšego go mmona. E sego Jesu wa kerekeleina ba bolelago ka yena; e sego Jesu wa dithutotumelo; e sego Jesu wa mohuta wo mongwe wa Krisemose ya nonwane; e sego Jesu wa mmutlabjana wo mongwe wa Paseka; eupša Jesu wa Khalibari, Jesu Yo a beetšego thoko se sengwe le se sengwe, Yo baprofeta ba boletšego ka yena.

²⁰⁷ Re ka kgona go ya pele mo, “Tate wa Matete, Matete, Tate wa Matete, Moeletši wa Matete, Mokgoma wa Matete wa Khutšo, Modimo yo maatla wa Matete.” Re no tšwelapele go ya, go ya, go ya. Le a bona? Eupša go beela thoko, re bolela se, “Re swanetše go bona, ge o . . . Yoo ke Jesu yo re swanetšego go mmona, go ba le Bophelo bjo Bosafelego bja Gagwe.”

²⁰⁸ O ka se kgone go bo hwetša ka go thutotumelo. O ka se kgone go bo hwetša ka go tšoena kereke. O ka se kgone go bo hwetša ka mohuta tsoko wa nonwane o botšwago ka yona, Santa Claus. Santa Claus ga a ne Bophelo bjo Bosafelego. Aowa. Thutotumelo ga e na Bophelo bjo Bosafelego.

²⁰⁹ E sego go tseba Lentšu la Gagwe, ebile go go fa; go Le tseba, ga Le go fe Bophelo bjo Bosafelego. “Go Mo tseba,” Beibele e rile, “go Mo tseba, ke Bophelo bjo Bosafelego.” E sego go tseba Lentšu la Gagwe. Go Mo tseba!

²¹⁰ Bagerika ba be ba nyaka go Mmona. Ba be ba nyaka go tseba motho wa Gagwe. “Bahlomphegi, re rata go bona Jesu.”

²¹¹ Bjale, ga o bone ka mahlo a gago. O bona ka pelo ya gago. O a bona? O lebelela ka mahlo a gago. O kwešiša ka pelo ya gago. Go bona ke “go kwešiša.” O lebelela thwi go se sengwe, wa re, “Ga ke se bone.” Eupša, o se lebeletše. Eupša, o ra gore, ga o “kwešiše” sona.

²¹² Bagerika ba be ba nyaka go tseba Jesu, gomme O ba file tsela ya go Mo tseba. Go Mo tseba! E sego go tseba thutotumelo ya Gagwe, e sego go tseba Lentšu la Gagwe, e sego go tseba mehlolo ya Gagwe, eupša go Mo tseba! Gomme tsela e nnoši o hwetšago seo, ke mo sefapanong, e sego tharing. Aowa. Ke sefapano se ke se bonago. O ba šupeditše go sefapano, e sego go . . . E sego go thutotumelo tsoko, goba—goba e sego legopo tsoko, goba mokgwa wa dikerekemaina, eupša go sefapano.

²¹³ Gomme bjale go a swana lehono, morutiwa wa kgonthe, gomme ge o ka tsoge wa tla go Jesu. A ka se tsoge a re, “Jesu o mpoditše go ya go tšoena kereke ye *bjalo-le-bjalo*.” Yena ga se a ke a tsoge a dira seo. A ka se e dire lehono. Aowa.

²¹⁴ O nyaka go Mmona, O tla go šupetša sefapanong. Eya kua gomme o hwe, gomme ka gona o tla Mo tseba, ge o nyaka go Mo tseba.

²¹⁵ Ga go nako e tee A ilego a šupetša motho e ka ba mang go thutotumelo e ka ba efe, kerekeleina e ka ba efe, goba go tswalo ya Gagwe, goba ebile go Krisemose. Ga go nako e tee A kilego

a e dira. Nka dikadika go seo nakwana, eupša nka—nka se ke. Efela, ge go se bohlokwa, ge Jesu . . . O ka se kgone kae kapa kae go e hwetša ka Beibeleng, moo A kilego a šupetša e ka ba mang go e ka ba kae gape, go Mo tseba, eupša sefapano. Yeo ke nnete. Gomme yeo ke go ipapola go wenamong. “Ntle le ge motho a tswalwa gape.” Gona, ge legopo, Santa Claus . . .

²¹⁶ Jesu ga se a ke a ngwala thutotumelo. Ga se a ke a bea kerekeleina. Gomme ka gona ke ka baka la eng re dira bokaalo bja yona, gomme le bile re bea boikarabelo bjo bongwe le bjo bongwe godimo ga yona? Ke nyaka go le botšiša yeo; Krisemose, bjale. Gobaneng e le gona gore dikereke tša rena di bea bontši bjalo go yona, gore, “O swanetše go ba wa kereke ye. O swanetše go bolela thutotumelo ye. O swanetše go dira *se, sela, goba se sengwe*”? Gobaneng re bea bontši bjalo go yona, ge e se bohlokwa? Go laetša gore re na le mohuta wa go fapanwa barutiwa go feta ka fao re bego re na le bona. Ba nyaka go le tliša go kereke ya bona, go kerekeleina ya bona, goba go thutotumelo ya bona, gomme e sego go Kriste.

²¹⁷ Batho lehono, ge ba botšišwa, “A o modumedi?” Ke botšišitše se, nako ye ntši. “A o modumedi?”

²¹⁸ Ba re, “Oo, ke nna Mobaptist. Ke nna Momethodist.” Gabotse, seo se bontšha ga o modumedi gona. Le a bona? Yeo ke nnete. “Baptist, Pres- . . .” Eupša o re, “Ke nna Mopentecost.” Seo ga se na le selo se tee go dira le yona. Aowa, mohlomphegi. Modumedi ke sebopiwa se seswa. Eupša fao ke mo ba e išitšego, lehono. Le a bona? Gobaneng ba dira seo? Ke eng e dirago batho go bolela seo?

²¹⁹ Bošego bjo bongwe, ke be ke le bookelong. Ke be ke eya go ba le thapelo bakeng sa mosadi yo monnyane yo a bego a babja. O ile a fodišwa. Gomme ke rile . . . Go be go le monna le mmagwe ba dutše kua. Ke a nagana e be e le mmagwe. Gomme o be a lebega go swana le mmagwe. Gomme ke be ke bolela le mohumagadi. Ke rile, “Re tla ba le thapelo bjale.”

Gomme ke retologile go dikologa, “A le a tshwenyega ge re rapela?”

O rile, “Goga garetene yeo.”

Ke rile, “Gabotse, ke nno kgopela ge eba o tshwenyega ge eba re a rapela.”

O rile, “Re Mamethodist. Goga garetene yeo.”

²²⁰ Ke rile, “Gona se se tla go tšoša go iša lehung. Bokaone ke goge garetene nako ye, o a bona.” Ke rile, “Ge o no ba Momethodist, ga o Mokriste. Kafao ke tla no . . .” Ya.

²²¹ Gobaneng ba bolela seo? Morutiwa tsoko wa maaka o nno ba tšea bokgole bjoo. Seo ke sohle ba se tsebago, morutiwa tsoko wa go rutwa phošo. Barutiwa ba Jesu ba ba tšeetše go Jesu. Morutiwa wa Methodist o ba tšeela go Methodist. Mobaptist

o ba tšeela go Mabaptist. Gomme Pentecostal e ba tšeela go Mapentecostal. Eupša morutiwa wa Kriste o ba tšeela go Kriste, gomme Kriste o ba tšeela Khalibari. Seo ke selo sa kgonthe. Ee, mohlomphegi. Ee, mohlomphegi.

²²² Ke bokgole bjo ba tlišitšwego. Ba tlišitšwe feela bokgole bjoo. Le a bona? Ge ba—ba re, gabotse, “Mobaptist, goba Momethodist, goba Mopresbyterian, goba *eng*,” bjoo ke bokgojana bjhole ba bo tlišitšwego, “Katoliki,” e ka ba eng e lego. Bjoo ke bokgojana bjhole ba tlišitšwego, kafao ke sohle ba se tsebago.

²²³ Eupša, leboga Modimo, barutiwa ba ba tsebile Jesu. Kafao ba mo tšere go... Ba tšeetše Bagerika ba moo ba tsebilego e be e le Therešo. Gomme morutiwa wa kgonthe wa Kriste, yo a kilego a hwetša Kriste, o tšeela mo—mo monyaki thwi go Jesu. Gomme Jesu o ba šupetša Khalibari, moo ba hwago le Yena gomme ba tswalwa gape, ka boswa. Oo, nna! Bjoo ke bokgole bjoo ba lego.

²²⁴ Eupša, “Bahlomphegi, re rata go bona Jesu.” Yeo e be e le potšišo. “Re ka se bone thutotumelo. Re ka se bone Mamethodist. Re ka se bone Baptist. Re ka se bone e ka ba ofe wa ba. Re nyaka go bona Jesu.” Eupša bothata ke eng?

²²⁵ Ke no swanela go tswalela, baena ba ka. Theetšang sekgauswi bjale, feela ditshwayo di se kae fa pele re tswalela. Eng? Ke nyaka go dira se go gapela gae bjale, ge nka kgona, go bea selo fase.

²²⁶ Bagerika ba be ba nyaka go bona Jesu. Yena ga se a ke a Mo hwetša ka Krisemose. Ga se a ke a Mo hwetša ka mokgatlong wo mongwe. Ga se nke a Mo hwetša ka go thutotumelo tsoko. Ga se nke A ba šupetša go se sebjalo. A le swere seo gabotse? Eupša O ba šupeditše go sefapano, go hwa, go hwa. Morutiwa wa kgonthe o re, “O swanetše go hwa.” Ke tseba bjang ge ke hwile? Ge o lemoga Lentšu le lohle go ba Therešo, gona Lentšu le thoma go phela ka go wena.

²²⁷ “Gabotse,” o re, “eupša kereke ya rena e ruta...” Ga ke kgathale se kereke ya gago e se rutago. Ke se Beibele e se boleLAGO. Moo le yago, kereke ye nngwe e ruta se sengwe go fapano. Eupša Beibele ye e ruta sa go swana.

²²⁸ Gomme Jesu o rile, “Ge le amogela Lentšu le, Lentšu le le tla dirwa go bonagatšwa ka go lena. Le tla dira selo sa go swana seo Le rego Le tla se dira ka go lena.”

“Oo,” ba re, “matšatši a mehlolo a fetile.”

²²⁹ Gomme Beibele e rile, “Jesu, wa go swana maabane le go ya go ile.” O ya go dira bjang seo se kopane ge Jesu a rile, “Yo a dumelago go Nna,” e ka ba kae, nako e ka ba efe?

²³⁰ Mareka 16 e rile, “Eyang lena ka go lefase lohle gomme le rere Ebangedi go sebopiwa se sengwe le se sengwe.” Botelele a gakaakang? “Go lefase lohle.” Ebile ga se e šo e fihle fale,

“Sebopša se sengwe le se sengwe.” “Yo a dumelago gomme a kolobetšwa o tla phološwa. Yo a sa dumelego o tla lahlwa. Gomme maswao a a tla latela bona ba ba dumelago.” Ke lena bao. Lentšu le tla dirwa Seetša. Le tla iphadimiša ka Bolona.

²³¹ E sego ge o eya tharing gomme wa re, “Lesea le lennyane le belegwe mo, mengwaga ye meteletele ya go feta.” Ditsiebadimo. Mehuta yohle ya dithutotumelo le dinonwane di boletše ka yona. Re a tseba Jesu o tsebile selo seo sohle se tla senyega, sa hlakahlakana gohle.

Eupša go ne Selo se tee ga sa hlakahlakana, woo ke Moya wo Mokgethwa.

²³² “Oo,” yo mongwe wa bona o re, “O tswetšwe thwi *fa*. Re ne kereke e agilwe godimo ga yona.” Yo mongwe o rile, “O tswetšwe godimo *fa*.”

²³³ Go swana le, le tseba gore ba na le dipekere tše kae, ba ka kgona go e netefatša, dipekere tša setlogo di bego di le sefapanong? Lesomesenyane. Moisa yo mongwe le yo mongwe a swere sepekkere. “Se, *re* se hweditše. Haleluya, *re* se hweditše.”

Ba no ba le marapo a a hwilego a ba bangwe. “*Re* na le wona. *Re* na le wona.”

²³⁴ “*Le* ke lefelo A tswaletšwego.” Yo mongwe o re, “*Le* ke lefelo A tswaletšwego.” Ye e re, “*Le* ke lefelo A tswaletšwego.” E dira phapano efe?

²³⁵ *Mo* ke mo A tswaletšwego, ka pelong. Ya. Ge ke hwile, O tswetšwe ka *fa*. Ke tswaletšwego gape, ka go Yena, ka boswa. Yeo ke yona.

“Bahlomphegi, re rata go bona Jesu.” Go lokile.

²³⁶ Gabotse, bothata ke eng? O timeletše gape. Batho ba Mlobile. Yeo ke nnete. Eupša O timeletše gape, ka lešabeng le legolo, mašaba a dithutotumelo. Le a elelwa nako ye nngwe O ile a timeleta, go batswadi ba Gagwe? O timeletše gape. O timeletše.

²³⁷ Eya go theoga mekgotha ye, boka go bile matšatši a se makae a go feta, lebelelang mašaba a go gafa, a kgorometša le go šušula, le go nwa, le go rogana, le go senya. “Dipele tše di llago, dipele tše di llago.” Kriste o timeletše. Ga se A timeleta. Batho ba Mo lahlile.

²³⁸ Ba Mo hweditše kae? Moo ba Mo timeditšego gona. Ke moo re tla Mo hwetšago.

²³⁹ Eupša O timeletše, ka go dithutotumelo tša bona le ka go mašaba a bona. O timeletše. Kriste o timeletše, ka go lešaba la kgwebo. Lešaba la kgwebo le re, “*Re* swanetše go keteka Krisemose.”

²⁴⁰ Mohumagadi o boletše letšatši le lengwe, ke eme fale, ge mosadimogatša le nna re be re eme fale. O rile, “Ke reketše papa wa ka khothe ya wisiki.”

²⁴¹ Yo mongwe o rile, “Gabotse, ke ya go hwetša... Ke tla go botša se ke yago go se hweletša papa. Ke ya go mo hweletša dikarata tsoko le ditshetla tsoko. Re tla bapala morabaraba, le a bona, go keteka Krisemose.”

²⁴² Ba bangwe ba rile, “Ke nno hweletša mama lepokisi la disekerete. O tla mo hweletša eng?” Huh! Huh!

²⁴³ O Modimo! O timeletše. Ba Mo lahlile, ka Krisemose. Ba Mo lahlile, ka Paseka. Mmutla wa bjana, goba kefa ye mpsha; e sego tsogo, e sego tswalo ya Kriste.

²⁴⁴ Ba Mo lahlile, ka go dithutotumelo tša bona, ge ba dirile bomodimo ba bararo go tšwa go Yena, ba Mo ripaganše diripana le go dira medingwana, sebakeng sa go tseba ke Yena mang. “Nna le Tate wa Ka re Batee.” Le Mo lahlile.

²⁴⁵ O timeletše, ka lešabeng la bona la bodumedi. Lešaba la bodumedi bjang? O timeletše, go kereke ya Gagwe, ka go Laodikia. Kereke ya mafelelo, lebaka la mafelelo, le rile O be a le ka ntle ga kereke, “a kokota,” a leka go tsena ka gare. Ponagalo ya go šokiša kudukudu ka go Beibebe yohle, ke seemo sa kereke mo matšatšing a mafelelo pele A etla. Ga go lebaka le lengwe la kereke le kilego la Mmea ntle. Ba be ba sa tsebe phapano ye e itšego. Bjale ge ka kgontha ba tseba maatla a therešo a Moya wo Mokgethwa, ba Mo ragetše ka ntle ga lefelo, ka ntle, o kokota mojako. “Bonang, Ke eme mojako gomme ke a kokota.” Nnete.

Ba Mo lahlile, ka go mašaba a bona a kgwebo.

²⁴⁶ Ba Mo lahlile, ka go mašaba a bona a bodumedi. Yeo ke nnete. Ba dirile dithutotumelo go tšwa go yona. Ba dirile dikerekemaina go tšwa go yona. Ba e lobile. Ba tšere—ba tšere tirelo sebakeng sa Beibebe. Ba tšere sehlopha sa dikgopololo tša banna sebakeng sa se Modimo a se boletšego. Ba rile, “Bea leina la gago godimo ga puku. Šišinya diatla. Seo ke sohle o swanetšego go se dira. Kolobetšwa, ‘Tate, Morwa, le Moya wo Mokgethwa.’” Selo ka moka ke maaka. Yeo ke nnete.

²⁴⁷ Ke moo lešaba la kereke le Mo lahlilego, ge ba Mo lahlile. Gobaneng? E sego ka go meago ya kereke ya bona, e sego ka go sa bona se o se bitšago sona, sehlopha sa bona—sa bona sa batho. Eupša ba Mo lahlile ge ba tlogetše Lentšu. “Ge seo... Ge le dula ka go Nna, gomme Lentšu la Ka ka go lena, kgopelang se le se ratago. Se tla fiwa go lena. Se tla direlwa lena, ge le dula ka go Nna, gomme Mantšu a Ka a dula ka go lena,” gobane ke Modimo, a dirilwe nama gape. Le a bona? “Le dula ka go Nna, gomme Lentšu la Ka ka go lena, gona nno kgopelang se le se ratago. Le tla se direlwa.” Yeo ke yona.

²⁴⁸ Eupša, lehono, ga ba dule. Bona ba, letšatši le, Methodist, gosasa Baptist, letšatši la go latela Presbyterian, ga se ešo ba fihla felo.

²⁴⁹ “Ge Lentšu la Ka le dula ka go lena! Gomme Lentšu la dirwa nama gomme la dula magareng ga rena.” Haleluya!

²⁵⁰ Ngwanešu Neville, yeo ke therešo kudu.

Lentšu le dirilwe ka nameng ya gago, le bolela ka wena.

²⁵¹ Mapentecostal ba Mo lahlile. Oo, ee. Ba bile le Yena, mengwaga e se mekae ya go feta, eupša ba Mo lahlile. Ba e dirile bjang? Ka go bona ke mang a bego a ka kgona go aga moago wo mogologolo, uh-huh, ke mang a bego a ka kgona go ba le kereke ye kgolokgolo, khwaere ya go katišwa bokaonekaone.

²⁵² Ge go le e ka ba eng ke sa e ratego, ke segalontšu sa go katišwa go feta tekanyo, bao ba tla emago le go opela boka ba hweditše sehuba, gore “wee,” ba swara mohemo wa bona go fihla ba le ba baso mo sefahlegong. Ga ba opele. Ba no dira lešata.

²⁵³ Eupša se ke se ratago ke wo mobotse, wa fešene ya kgale, wa go kwewa ka pelo, wa pentecostal, motho wa go tswalwa gape, a opela go tšwa pelong ya bona. Ge ba sa kgone go rwala tšhune ka kgamelong, ba sa na le Moya fao. O ka kgona go O kwa o kgeila go go kgabola. Haleluya! Ke rata woo. Ke rata seo ka morago ga khuetšo, Moya wo Mokgethwa o e šegofatša, le a tseba. Ke rata seo. Seo e no ba kgonthe, go nna. Ya.

²⁵⁴ Eupša ba Mo lahlile. Dikhwaere tša go katišwa gabotse le bareri ba go katišwa gabotse. Ya. Oo, nna! Mehuta yohle ya moriri wa dikhele, le a tseba, le go inamiša hlogo ya bona godimo ka tsela *ye*, go dira seswantšho sa bona se tšewe. Gomme, oo, ya, ba katišitšwe gabotse. Ka kgonthe ba dirile. Yeo e katišitšwe gabotse.

²⁵⁵ Dikolo tše kgolo tša Lamorena, nnete, kereke ye nngwe le ye nngwe e leka go phala ye nngwe, ka go sekolo sa Lamorena. Gomme sekolo sa Lamorena ebile ga se sa bolelwa, ka Beibeleng. Yeo ke thutotaelo ya Methodist. La mathomo e be e bitšwa “sekolo sa lenkgeretla.” Yo mongwe le yo mongwe bjale o ya sekolong sa Lamorena, yo a sa kgonego go šala bakeng sa kereke, gobane ba tšere se sengwe ntle le se Modimo a se boletšego. Nnete.

²⁵⁶ Elelwang, ga se nke ka re ke rerile e ka ba eng ka tlase ga tšušumetšo, bophelong bja ka, ke ile ka swanelo go se gomiša, go swana le ge ke dirile dialetara, letšatši le lengwe, le dilo, le a tseba, *Peu ya Sephente*, goba ye nngwe ya tšeou. A nke yo mongwe a tle le go e kgeilela fase ka Lentšu la Modimo. Aowa.

²⁵⁷ Fao ke mo ba Mo lahlilego; sekolo se segolo sa Lamorena, goba tente ye kgolokgolo e lego gona, sehlopha sa go apara bokaonekaone ka toropong. Yeo ke Pentecost. “Gobaneng, ke rena ba kereke ya mathomo. Sehlopha se sekaonekaone ka toropong se ya fale.” Matikone, ba nyetše makga a mararo goba a mane, motikone dipotong, mohlomongwe modiša, le yena.

Mehuta yohle ya ditšiebadimo ka dikerekeng lehono. Le a bona? Ba dirile kae? Ba lahlile Jesu.

²⁵⁸ “Gabotse, le a tseba, kerekeleina ya rena ke ye kgolokgolo ka go Pentecost. Banna ba rena ke banna ba ba hlahlilwego bokaonekaone ba lego ka kua.” Ba ka no ba sohle seo. Ga ke gane seo. Seo se ya go dilotše le ka go mašemo a thutamodimo.

²⁵⁹ Eupša ke nyaka go tseba monna yo a tsebago Jesu, o Mmone gomme a tswalwa gape, gomme Lentšu le iponagatša Lonamong ka go lentšu la gagwe. O kgona go bona Ga se la gagwe. Gomme o ineetše yenamong go felelela godimo go fihla e le Kriste a bolela ka yena. Ke lena bao. Yeo ke nnete. Gomme maswao le matete a latela Lentšu lela, gobane Ke Lentšu la Modimo.

²⁶⁰ Eupša ge Lentšu la Modimo le bolela selo se se itšego, gomme sehlopha *se* se re, “Oo, aowa. Aowa, aowa. Mokgatlo wa rena o tla re ragela ntla ge re dumela Leo.” Gona o fedile, thwi fao. O ithipile yenamong, thwi fao. Yeo ke phetho. O ka no šoma se sengwe ka motšhene. O ka no bea mohuta tsoko wa bofora ntla, wa eleletša *se*, *selā*, goba se *sengwe*, eupša sa kgontha, sa mmapale selo ga se gona. Ee, mohlomphegi. Oo, nnete.

²⁶¹ Dikereke, dikereke di fetola Kriste bakeng sa lefase le dithutotumelo. Kereke e go lenaneo la go fetolabakengsa. Oo, ka kgontha ba nyaka go—go fetola bakeng sa. Ee, mohlomphegi. Ba tla ya gomme ba tla fetolabakengsa. Ba nyaka le—ba nyaka lenaneo la go fetolabakengsa. Ba nyaka go fetolabakengsa seo Modimo a se bolelago, bakeng sa seo kerekeleina e se bolelago. Ba nyaka go fetolabakengsa se Modimo a se bolelago, go “latela modiša.” Ba nyaka go fetolabakengsa se Modimo a se bolelago, go “latela mokgatlo.” Ba fetolabakengsa.

²⁶² A le a tseba ke eng? Batho ba a reka. Oo, go na le kgwebo ye kgolo e kgatlampanganago bjale. Ke Krisemose ye nngwe, feela ya bofora, e dirilwe.

²⁶³ Re bile feela le nako ye nnyane gape, ke ya go tla morago go thuto ye gape letšatši le lengwe. Go feta bontši kudu godimo fa, seo Moya wo Mokgethwa o mphago nakwana ya go feta. Le a bona?

²⁶⁴ Ge kereke e sa fetolabakengsa, kereke e a reka, batho ba a dira, ba bitšwago kereke. Ee, mohlomphegi. Ba fetolabakengsa. Ka kgontha ba reka le go fetolabakengsa. Ba reka bakeng sa eng? Kereke ye kgolokgolo, lešaba la go apara bokaonekaone, kerekeleina ye kgolokgolo. Gomme batho... Ke ya go bolela se sengwe. Batho ba leka go hwetša, ebile le Mapentecostal, basadi ba Pentecostal ba leka go hwetša lefelo leo ba tla ba lesa go feta ka dilo tše dintši tša lefase: dišothi, moriri wa go kotwa, pente. Ba a reka.

²⁶⁵ “Šegofatša Modimo, ke nna Mopentecostal. Haleluya! Ke nna wa *ye*. Gomme, oo, modiša wa rena ga a dumele...”

²⁶⁶ Le a bona, o reka go bao ba tla ba dumelelago go phela tšhilatšhila kudu, (Modimo eba le kgaogelo), yo motee o tla ba dumelela go phela bohlaswahlaswa le kudukudu go swana le lefase, gore ba a kgona. Ba reka go tloga lefelong go ya lefelong, ba gana Kriste. Seo se ka no ba se šila boka se sengwe le se sengwe. Se ra go e dira. Batho ba a reka. Ba reka Krisemose mo ba ka hwetšago dintšwelakae. Batsomi ba sentšwelakae!

²⁶⁷ “Gabotse, ke nna Mopentecostal, le nna. Gabotse, ga re na le Dilo tšela tša monagano wo mosesane wa kgale.” Eupsa Beibele e bolela bjalo.

Ge a le morutiwa wa therešo wa Kriste, o tla go hlahlela sefapanong.

²⁶⁸ “Oo, Ngwanešu Branham, ke ile ntle le go bolela ka maleme.” Seo ga se re selo. Moula o dirile seo, letšatši le lengwe. Ee, mohlomphegi. Yeo ke ya . . .

²⁶⁹ Ga ke re go dira metlae ka Lentšu le lekgethwa la Modimo. Ke dumela go go bolela ka maleme.

²⁷⁰ Eupsa bodiabolo ba bolela ka maleme. Batho ba ka bolela ka maleme le go phela mohuta e ka ba ofe wa bophelo. Eupsa, ke ra gore, di-di diabolo o na le kho-kho khophi ya se sengwe le se sengwe seo Modimo a se dirilego.

²⁷¹ Gomme a ka kgona go kopiša se sengwe le se sengwe eupša Tswalo ya mmapale ya Kriste, gomme a ka se kgone go dira seo. Ka baka la gore, o swanetše go hwa, pele, morago Lentšu le a go tsoetša. O tseba bjang ge o phela? Ge Lentšu lela, Lentšu le lengwe le le lengwe la Lona, le dirilwe nama ka go wena. Se sengwe le se sengwe Beibele e se boleLAGO, o bolela selo sa go swana, gomme se tla go phethega feela tlwa boka A se boletše. Moo ke ge go le, ee, ge wena, ge moyo wa gago o dumelelana le Yena. Yena ke Lentšu. Ge moyo wa gago o dumelelana le se A se boletšego, gomme Moya o itira ka Bowona go bonagala ka Lentšu la Gagwe, gona o a phela. Le a bona? O feditše go reka, gona, le go fetolabakengsa, le tšohle ka moka ga tšona. Tšohle di rarologile. Ee.

²⁷² Batho ba a reka, go hwetša mo ba ka kgonago go phela selefasefase ka gona, Mapentecostal le bohle. Le se ke, Pentecostal, dirang metlae ka bona Mabaptist le Presbyterian. Pitša e ka se bitše ketlele gore ke ya ditšhila. Aowa, mohlomphegi. Aowa, ka nnete. Tšohle di a swana. Kafao ba a reka, go hwetša moo ba ka yago ka kerekeng le go tšoena mokgatlo, gore ba kgone go tsebalega, ba naganwago gabotse ka toropongkgolo, meyara wa toropokgolo o ya kerekeng. E lego, a ka kgona go ya kerekeng, a tswalwa gape. Bjale, ke no re, ka go mokitimo, kereke ye kgolokgolo ka toropongkgolo.

²⁷³ Ke tseba batho thwi lehono ba e lego ba mokgatlo wo monnyane godimo mo tseleng, kereke ye nnyane, eupša e be e le ye nnyane kudu. Kafao ba rile, “Kafao bana ba rena—ba rena ba

tla, gomme re ka kgona, go naganwa bokaonana gannyane,” ba tšere lengwalo la bona go tloga kerekeng e tee gomme ba ile tlase go ye nngwe, mokgatlo wo mogolo kudu. Gomme ntle ga fao, yo mongwe yo o bile le pontšho ya diswantšho ka lebatong la ka tlase, gomme ba be ba bapala panko le se sengwe le se sengwe ka mokgwa woo, le a tseba, le go ba le dipapadi tše, le go ya pele ka mokgwa woo. Kafao ba na le bana ba bona tlase kua. Ba be ba na le tafola ya motšhene tlase ka fase, le a bona, gore ba kgone go bapala motšhene, gomme ba na le boitšhidillo le dilo tša go swana le tše. Gomme ba na le klase ya metsotso ye lesome ya sekolo sa Lamorena, le boikhutšo bja kofi, gomme ba khutša gore modiša a kgone go kgoga disekerete, a tšwela ka ntle. Oo, ee. Yeo ke nnete. Nka se e bolele ntle le ge ke tseba se ke bego ke bolela ka sona. Yeo ke nnete. Oo, kgonthe. Le a bona?

²⁷⁴ Ba a reka. Ge ba ka kgona go ya pele le go phela mohuta wa bophelo bjo ba nyakago go bo phela, ba dira e ka ba eng ba nyakago go e dira, gomme ba sa tshepišitšwe Bophelo bjo Bosafelego ka morago ga fa, ba reka bakeng sa bjoo.

²⁷⁵ Ke a le botša, ge le nyaka go reka, etlang Khalibari. Seo se a e rumu. Hwa go bowena bja gago bja ditšhila, dibe tša gago, gomme o tswalwe gape, ka boswa.

²⁷⁶ “Gomme ge o rata lefase, goba dilo tša lefase, lerato la Modimo ebole ga le gona ka go wena.” Seo ke se Beibele e se boletšego. Yeo ke nnete.

O re, “Ga ke dumele go bokgethwa.” Ga go makatše, o ka se kgone.

²⁷⁷ Eupša Beibele e rile, “Ntle le bjona, ga go motho a tla bonago Modimo.” Modimo ke yo mokgethwa. Ge Modimo a phela ka go wena, ke wena yo mokgethwa, le wena.

²⁷⁸ Gomme o mpotše o ka kgona go ya ntle go diphathi tše, le go nwa seno se sennyane sa leago? Boati bja Mapentecostal ba dira seo, ba ya ntle go diphathi tše, le go tseela bona basadi ntle fale le go phela ka mafelong a, le go ya tlase le go itlhobola lenabeng, ka disutu tša go rutha, le go ya ka go rutheng pele ga banna, ge bannabagatša ba lena, le banešu, le dikgaetšedi, le go ya pele. Gomme batho ba Pentecostal ba eya ntle ka disutu tša go rutha, gomme o ipitša wenamong moleloko wa Monyalwa? Monyalwa wa Kriste ga a dire tšona dilo.

²⁷⁹ Oo, o reka, kgonthe, go hwetša tsela ye bonolo, morago o tshepišitše Bophelo bjo Bosafelego ka morago ga fa.

²⁸⁰ Ga o na le Lona, ntle le ge Le phela ka go wena, Lentšu la Modimo e le hlatse ye e phelago gore O a phela, gomme o a phela ka go Yena. Oo, nna! “Bahlomphegi, re rata go bona Jesu.” Oo! E sego dithutotumelo tše, e sego dilo tše tše batho ba di dirago. “Re rata go bona Jesu.”

²⁸¹ Eupša O timeletše, go bona. Uh-huh! Gobaneng? Feela nakwana. Gobaneng? Gobaneng A timeletše, go bona? Gobaneng A timeletše, go Pentecost? Gobaneng A timeletše, go Methodist le Baptist? Gobaneng A timeletše, go mekgatlo yela? Ka gobane ba ka se tsee lebele la bona la korong le go le lahlela fase mo Khalibari, le go hwa go thutotumelo ya bona, le go tswalwa ke Lentšu.

²⁸² Gona re hlapišwa ka meetse a Lentšu, amene, re ba dibopiwa tše mpsha ka go Kriste Jesu. Gomme maswao ao Kriste a a boletšego a Mo latetše, a tla ba latela. Mosadi yo mongwe le yo mongwe o tla tla lefelong la gagwe. Monna yo mongwe le yo mongwe o tla tla lefelong la gagwe. Moya wa Modimo o tla tla lefelong la Wona, gomme Kereke ya Modimo yo a phelago e tla hloka sepatsa. Nneta. Amene. Ee, mohlomphegi. Yeo ke tsela ye e dirwago.

²⁸³ Ga go lehu go thoro ya korong ya bona. Ba ka se lahle kerekeleina ya bona. Ba ka se e dumelele go hwa. Ge mokgatlo wa Baptist o ka lahlela thoro yela ya korong ya Baptist ka mobung le go e tlogela e hwe; ge Methodist e ka lahlela thoro ya yona ya korong ka gare, ge Assemblies of God, le Pentecostal Jesus Name, le Maoneness, le Mathreeness, le tšohle tša tšona tša go fapano, kereke ya Modimo, le tšohle tšona tše dingwe, di ka lahlela thoro yela ya korong ka go Lentšu; le go e dumelela e hwe go dikgopolo tša yona mong, le go dumelela Lentšu le le dule le go tla Bophelong. Ka gona ba tla re, “Ge le sa ntumele, dumelang mediro ye ke e dirago, ka gore ke yona e pakago ka nna.”

²⁸⁴ Mediro ke eng? Jesu o rile, “Mediro ye, mediro yeo—yeo Modimo a Mphilego go e dira. Gomme,” o rile, “bjalo ka ge Tate a Nthomile, kafao Ke roma lena.” Yona mediro yeo Modimo a e dirilego e be e le ka go Yena, e Mo dirile gomme Batee le Tate. Gomme mediro ya go swana yeo Jesu a e dirilego, le Moya wo Mokgethwa wa Jesu ka go lena, o tla le dira le dire mediro ya go swana. “Mediro ye Ke e dirago o tla e dira le yena.” Nneta.

²⁸⁵ Ba ka se dumelele thoro, mmm! Ba dirile eng? Feela maloko a go hwa, ba hwetše sebeng le dikarogong, ba hwetše ka thutong, ba hwetše ka dilong tša lefase. E bala go bona. Ke ka baka leo ba sego ba tswalwa gape, ke ka baka leo maswao a sa kgonego go latela. Ka gore ka baka la eng? Feela maloko a go hwa. A swanetše go ba, modiredi o swanetše go ba le Ph.D, tše pedi L.D., pele a ka kgona go diša dikereke tsoko, gomme mohlomongwe ga a tsebe maletere a mathomo a alfabete, ABC, “Ka mehla Dumela Kriste.” Ge a dumetše Kriste . . .

²⁸⁶ Moisa tsoko o tlide ka morago ga ka, letšatši le lengwe, gomme o rile, “Gobaneng o sa tlogele bona batho ba nnoši, ka mehla o ba rothotha ka tsela ye ba aparago, dilo tše ba di dirago? Gabotse, ge o le mopropfeta . . .” Ba rile, “Batho ba nagana o mopropfeta.”

²⁸⁷ Ke rile, “Ke a tseba ba boletše seo. Ga ke yena. Eupša,” ke rile, “ba—ba—ba e boletše.”

²⁸⁸ O rile, “Gabotse, ge ba go dumela go ba, gona gobaneng o sa ba rute ka fao ba ka bonago dipono le go sepela pele ga Modimo?”

²⁸⁹ Ke rile, “Ge ba sa tsebe ABC, ke ya go ba ruta bjang dipalontshetshere? Ge ba sa tsebe sekolo sa digotlane, ga ba tsebe ba itshware bjang bonabeng, ga ba tsebe mokgwa wa go lebelela le go dira, le go apara, le go hlomphega, o ya go ba ruta bjang tšona dilo tša seprofeto?”

²⁹⁰ Jesu o rile, “Ge le sa dumele dilo tša mo, dilo tša lefase, o ya go dumela bjang, Ke le botša dilo tša legodimong?” Dilo tše o ka kgonago go di dira wenamong, tlogela go dira dilo tše. Ebile ga le kgone go dira seo, le ya go hwetša bjang dilo tša semoya, batho? A yeo ga se nnete? Ee, mohlomphegi.

Go hwa feela, go thuto ya bona. Ba na le lešaba la go rutega.

²⁹¹ Bjale ke ya go tswalela ka go bolela se, feela mantšu a a sego makae. Molaetša wa ka wa Krisemose, ke, a nke ke le šupetše bošegong bjo go sefapano. Amene. Gomme lena, thoro ya korong, welang ka go Kriste fale gomme le hwe. Fao le tla hwetša Bophelo bja Gagwe ka go Lentšu la Gagwe, le swana maabane, lehono, le go ya go ile. A nke woo e be Molaetša wa ka wa Krisemose go lena. Ga ke le šupetše legopong, go thari, go kereke, go kerekeliina. Eupša, “bahlomphegi, re rata go bona Jesu,” gona ke tla go šupetša go Yena. O go šupetša go lehu la Gagwe, poloko le tsogo. Gomme dumelela thoro ya gago mong ya korong go wela ka fale, gomme wa dumelela Lentšu la Gagwe go ba kgonthe ka go wena, gomme le tla bona gore O a swana maabane, lehono, le go ya go ile. “Bahlomphegi, re rata go bona Jesu.” O a swana maabane, lehono, le go ya go ile.

A re rapeleng.

²⁹² Tate wa Legodimong, le ge diiri di swiela mmogo, gomme Moya wo Mokgethwa o sepela magareng ga batho, gomme gosasa go swanetše go ba go rapela ga letšatši Ieo O rometšego Morwa motswalwanoši wa Gago ka lefaseng. Gomme ke lekile, bošegong bjo, go se šupetše batho legopong moo A tswetšwego, gobane O be a no ba Lesea nako yeo. Eupša ke leka go ba šupetša go morero wo A o belegetšwego, gore A ke a be Mophološi wa bona, gore A ke a be Modimo wa bona, Kgoši ya bona—ya bona—ya bona, ya bona Yohle ka go Tšohle. Gore ba ke ba Mo tsebe Yo a tlalago sebaka sohle, gore ba ke ba Mo tsebe; e sego yo Yo yo a thomilego ka Bethlehem, eupša Yena yo a sego a ke a ba le mathomo, Yena yo e lego Modimo wa Gosafelego, yo a ka kgonago go ema lefaseng gomme a re, “Nna le Tate wa Ka re Batee.”

²⁹³ Ke leka go dira boka mo—mo morutiwa, bokaonekaone bjoo ke tsebago bjang. Ge batho ba pelo ya tlala ba etla go barutiwa bao ba bego ba rereša, Filipi le Andrea, ba ba tšeetše

ka Bogoneng bja Morena Jesu, gomme O ba šupeditše go lehu le le bego le etla, gore ba tle ba Mo tsebe le go kgona go Mmona.

²⁹⁴ Gomme bošegong bjo, Tate, ka go swana, ke ba šupetša Khalibari moo Morwa wa Modimo, Modimo a dirilwe go bonagatšwa nameng, a tsea sebopego sa motho gomme a dula a tabaraneketšwe, a fetola leemo la Gagwe, a ba go tloga go... Modimo wa Gosafelego ka Letagong ge Gosafelego bo bile motho gomme o hlomile tente ya Gagwe magareng ga rena le go ba yo mongwe wa rena go ba Molopolodi wa Lelokokgauswi, go re tliša morago go—go temogogape ya Modimo yo maatla yo a re hlotšego.

²⁹⁵ Kua O hwile, mo Khalibari, gomme kua re swanetše go hwa le Yena. Bjalo ka ge A hwile, Morwa wa Modimo; go ba barwa ba Modimo, re swanetše go hwa le rena, gomme re dumelele thoro ya korong ya rena e wele ka mobung le Yena, maphelo a rena a hwe le go fihlwa ka go Yena. Oo, gomme morago a tsošwe ka tsogong ya Gagwe, go tšwetšapele mošomo wa Gagwe, go dumelela Modimo wa go swana, yoo a bego a le ka go Yena, go tliša pele ponagalo ya Lentšu la Kereke ka go matšatši a a mafelelo, bjalo ka ge A tshepišitše.

²⁹⁶ Modimo, re thakgetše kudu go bona gore O hlatseditše nthathana ye nngwe le ye nngwe ya yona, go bontšha gore Yena ke Modimo. O boloka Lentšu la Gagwe. Pilara ye kgolo ya Mollo e sa le magareng ga rena. Maswao a magolo le matete ao A a tshepišitšego, a sa direga.

²⁹⁷ O Modimo, re thabile kudu gore, bošegong bjo, gore morero wo o Mo tlišitšego lefaseng, gore re ne tokelo go ba le Moya wa Gagwe ka maphelong a rena. Seo se re fa Bophelo bjo Bosafelego, Lentšu la Gagwe le dirilwe nama ka go beng ga rena beng.

²⁹⁸ A re ineeleng renabeng, bošegong bjo, Morena, go ineela go felela, go se sengwe le se sengwe sa lefase le, gore re ke re hwe go dilo tša lefase; le go tsoga gape go Bophelo bjo boswa ka go Kriste, go ya pele ka go ngwaga wo o tlago wo, ge ngwaga o feta go kgabola, goba ge ebile o fihlfa. Morena Jesu, go ba tše mpsha, dibjana tše di gafetšwego tša Modimo, di hlatswitšwego ka meetse a Lentšu, ka Madi, le go beelwa thoko bakeng sa tirelo bakeng sa Kriste! E fe, Morena. Re neela borena go Wena, Leineng la Jesu Kriste. Amene.

Kgauswi le Wena, kgauswi le Wena,
 Kgauswi le Wena, kgauswi le Wena;
 Gohle go bapela le leeto la bophelo,
 Mophološi, a nke ke sepele le Wena.

A re phagamišeng diatla tša rena le dipelo tša rena, ge re e opela.

Kgauswi le Wena, kgauswi le Wena,
 Kgauswi le Wena, kgauswi le Wena;
 Gohle go bapela le leeto la bophelo,
 Mophološi, a nke ke sepele le Wena.

²⁹⁹ A re inamišeng dihlogo tša rena le dipelo tša rena, gomme
 re e opele ka setu; eupša go Yena bjale, boka le lebeletše thwi
 go Yena.

Kgauswi le Wena, kgauswi le Wena,
 Kgauswi le Wena, kgauswi le Wena;
 Gohle go bapela le leeto la bophelo,
 Mophološi, a nke ke sepele le Wena.

³⁰⁰ Ge bjoo e le bopaki bja gago, bjale phagamiša seatla sa gago.
 E re, "Kgauswi le Wena! Therešo, Morena, e sego kereke, Wena!
 E sego thutotumelo, eupša Wena. E sego mpetana goba thari,
 Wena! O Modimo, a nke Lentšu la Gago le be ka go nna, kafao
 ke tla ba kgauswi le Wena."

Gohle go bapela le leeto la bophelo,
 Mophološi, a nke ke sepele le Wena.

³⁰¹ Bjale ge re opela gape, tšea go swara, seatla sa yo mongwe, e
 re, "Ke tla go rapediša, Mokriste." Ge o tšea seatla sa bona, seo ke
 go bolela gore, "Ke tla go rapediša, Mokriste. Wena nthapediše."

Kgauswi le Wena, kgauswi le Wena,
 Kgauswi le Wena, kgauswi le Wena;
 Gohle go bapela le leeto la bophelo,
 Mophološi, a nke ke sepele le Wena.

Bjale ge le na le dihlogo tša lena di inamišitswe:

Ka legopong kgalekgale, ke a tseba ka kgonth
 go bjalo,
 Lesea le belegwe go phološa batho go tšwa
 sebeng sa bona.
 Johane o Mmone mo lešing, Kwana go ya go ile,
 Oo, Kriste, Mmapolwa wa Khalibari.
 Kgauswi le Wena, kgauswi le Wena;
 Gohle go bapela le leeto la bophelo,
 Mophološi, a nke ke sepele le Wena.

³⁰² Le a Mo rata? A Yena ga a makatše?

Segole se dirilwe go sepela, semuma se dirilwe
 go bolela,
 Maatla ale a boletšwe ka lerato godimo ga
 lewatle;
 Sefofu se dirilwe go bona, ke a tseba go ka
 kgona feela go ba
 Kgaogelo ya Monna yola wa Galelia.
 Bjale, kgauswi le Wena, kgauswi le Wena;
 Gohle go bapela le leeto la bophelo,
 Mophološi, a nke ke sepele le Wena.

³⁰³ A yeo ke tlhologelo ya gago bošegong bjo? E re, “Amene,” ge e le. [Phuthego e re, “Amene.”—Mor.] Oo, go makatša bjang!

Gohle go bapa le leeto la bophelo, (Re baeti.)
Mophološi, a nke ke sepele le Wena.

³⁰⁴ Modimo a le šegofatše. E sego tlwa “Krisemose ya Lethabo,” eupša ditšhegofatšo tša Modimo tša Krisemose di be godimo ga lena. A nke Kriste wa Khalibari a le ute ka go Yenamong, a le apaše, a le phuthele le go le potoka ka go Lentšu la Gagwe, go fihla Lentšu la Gagwe le tla dirwa nama ka go lena, ke thapelo ya ka. Modimo a le šegofatše. Modiša bjale, Ngwanešu Neville. 

BAHLOMPHEGI, RE RATA GO BONA JESU NST61-1224
(Sirs, We Would See Jesus)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Desemere 24, 1961, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org